



Mas crucero ta nifica
mas contaminacion

Pagina 5

Dialuna 7 di November 2022 www.bondia.com Email: noticia@bondia.com Tel: 582-7800 Fax: 582-7044 1,75 Florin



**Parlamento Hubenil: Hobennan
mester por ta liber pa pensa**

Pagina 2

- **Comunidad di
Aruba confronta
cu blackout atrobe
durante weekend**

Pagina 3

- **Mural dedica
na Boy Ecury na
Filomena College
Mavo**

Pagina 4

- **Empleadonan na
Hulanda afecta
pa ola di retiro na
Twitter**

Pagina 16

**Cycling Awareness Ride
exitoso cu gran participacion**



Pagina 17

**Polis ta libera
tur 200 persona
aresta na
protesta contra
jet priva**



Pagina 8

**Venezuela: Prueba di militarnan den
crimen contra humanidad**



Pagina 11

Diferente acuerdo y proyecto entre Parlamento Hubenil y Ministerio di Enseñansa

Parlamento Hubenil ta un organisacion cu ta purba scucha hopi for di e hobennan, specialmente kico nan ta haya como un reto den nan scolnan y cu awor nan lo ta bezig creando proyectonan cu apoyo di Ministerio di Enseñansa.

Un di e reto cu nan ta presenta, hopi biaha nan ta argumenta cu nan no ta keda scucha door di hende grandi. Awendia e hobennan tin hopi informacion na nan disposicion y hopi cos cu nan sa hasta mas cu hende grandi mes, p'esey nan kier haya e voz pa por splica kico ta nan opinion, kico nan ta wak y kico nan ta pensa di un obstaculo cu un posibel solucion.

Pa esaki, Dave Martinus presidente di e directiva di Parlamento Hubenil den un entrevista cu Bon Dia Aruba, el a splica cu tin cu duna e hobennan e oportunidad di laga nan siña pa nan mes y tambe siña di e foutnan, cu nan mester ta liber di por pensa, di purba y esey ta sigur un di e retonan di e hobennan hopi biaha.

Segun Martinus, esaki tambe ta trece e problematica cu nan ta yama "Mental Health" dependiendo di e topico, "tin ora e ta trece cierto frustracion, depresion, pasobra simplemente no tin un caminda pa canalisa e voz. Por ehemplo, akinan na Parlamento Hubenil nos tin hopi hoben cu ta mas critico y nan ta puntra con nan por haci ora nan maestro no ta duna les bon? Unda mi por expresa mi mes cu esey? Mi tin cu djis accept'e?", Martinus a señalá.

Pa e motibo ey, esaki ta un di e proyectonan cu Parlamento Hubenil ta haciendo cu Gobierno di Aruba, manera el a informa, cu nan a yega na un acuerdo pa un proyecto pa investiga e topico aki, con posiblemente un hoben por vocifera su mes pa no drenta den e parti di falta di respet tanto pa e profesionalismo di e docente, como tambe pa no perhudica e hoben.

Nan a acerca na minister di Enseñansa unda hobennan a wordo scucha y nan a acorda pa haci un proyecto hunto cu Parlamento Hubenil pa nan haya sa con ta e miho manera pa trata e problematica aki,



aworaki nan ta den e fase investigativo y basa den esey, ta bay sali e proyecto concreto cu lo ta e voz di e hoben na scol.

Pa yuda e hobennan, Parlamento Hubenil a scoge tambe pa busca un financiamiento unda nan por busca un per-

sona profesional pa guia nan den e proceso. "Hopi importante ta e parti di investigacion y hobennan no tin tur e conocimiento. Ademas nos tambe ta bay busca un profesional cu ta bay guia e docentenan den e proceso pa nan por yega na un solucion y presenta esey na gobierno", Martinus a bisa.

Den esaki, segun Martinus tin otro cosnan cu tambe ta hunga un rol pa motibo cu ora hobennan tabata haci e investigacion riba nan mes, cu ora nan a bay scol pa haci un encuesta pa haya sa kico maestronan di scol ta pensa, tin caminda cu maestronan a bisa cu nan no ta participa y no kier duna nan opinion pa nan no wordo perhudica.

"Eynan bo ta mira cu pa maestro tambe e ta dificil pa duna su opinion den esaki y ta p'esey cu ta importante algo asina, cu ya e ora ey ta tene na cuenta cu tur dos banda, pa por yega na un consenso caminda cu ta tene na cuenta tanto cu e alumno como cu e maestronan", el a bisa.

Aworaki, nan ta den proceso unda nan a caba di recluta un coordinador cu ta bay guia e organisacion den ehecuccion, pa motibo cu Martinus a conta cu durante ultimo añanan nan directiva tin dos aña cu nan a caba sinta unda den tempo aki nan a haci un analisis y nan a yega na e conclusion cu mester haci un restructuracion pa e organisacion, debi cu e organisacion pa hopi biaha tabata involvi riba proyectonan y masha tiki

den e parti di desaroyo.

Nan a dicidi di scoge e direccion pa bay den caminda di desaroyo a traves di proyectonan pa asina ey nan por ta consciente di kico ta e desaroyo cu por trece pa e hoben, "den cuadro di esey tambe aworaki nos a recluta un persona cu ta hopi profesional den e materia y pa cu dilanti lo tin hopi cos great unda nos no ta bay solamente yega na scolnan sino yega na full bari-onan di Aruba", el a indica.

Den su opinion, Parlamento Hubenil mester bira como parti esencial di un organisacion caminda cu tin hobennan cu tin e chens di haya nan voz, esaki ta e proyecto principal cu Martinus a splica cu nan ta trahando riba dje pa restructura e modelo cu nan a cambia.

Di e modelo aki, el a señalá cu ta bay bira cu tur hoben ora ta drenta Parlamento Hubenil ta bay haya e chens di drenta den e 'Voz Hubenil' y nan ta haya tres nivel di preparacion, despues cu nan lo pasa den e tres nivel ey, nan tin e oportunidad pa lo keda eligi den e Parlamento Hubenil unda nan lo bira parlamentario hubenil, caminda nan lo tin tareanan specifico como un parlamentario, como pasa un mocion of bin cu iniciativanan.

Un bes cu nan lo haya mas experiencia unda nan lo conversa dunando conseho na gobierno tambe, ta bay crea un gobierno hubenil cu ta consisti di diferente minister cu nan tarea ta pa bira lider di e proyecto un biaha pa aña, enfoca riba cultura den hobennan por ehemplo, of salud y deporte pa hobennan.

"Asina cada un lo tin oportunidad di haci un proyecto como un minister y esey ta pa duna oportunidad na e hoben entre 12 cu 17 aña y esun di 18 pa 24 aña nan ta bay haya mesun cos pero na luga di bay den un gobierno, nan lo bay na un Algemene Rekenkamer pa e hobennan, treciendo cosnan mas complica pero nan ta bay implementa nan pensamiento y nan nivel di scol.

Esaki ta bay wordo ehecuta awor cu e coordinador nobo di Parlamento Hubenil den e aña venidero, manera Martinus a finalisa.



Comunidad di Aruba confronta cu blackout atrobe durante weekend

Diasabra anochi, Aruba completo a keda sin coriente. Esaki tabata apenas un siman despues di e ultimo blackout cu a afecta varios parti di e isla, loke a genera disgusto y inconveniencia na e comunidad.

“Alrededor di 8:12 p.m. Aruba henter a keda sin coriente”, NV Elmar a informa den un comunicado di prensa. “Mesora ELMAR a cuminsa mobilisa tur tecnico pa asina ta pendiente di e situacion. Nos a ricibi informacion pa 8:29 p.m. for di WEB cu un interrupcion den produccion di coriente den planta di WEB a causa un blackout. For di e momento aki nos techniconan tabata den comunicacion constante cu WEB.”

For di e momento ey, riba rednan social henter comunidad tabata buscando informacion como tambe purbando di compronde e magnitud di e blackout, ya cu tur bario tabata afecta. E critica tabata pisa riba rednan social, mirando cu interrupcion di coriente ta algo frecuente den ultimo simannan. Ciudadanonan a expresa nan frustracion, por ehemplo, bisando: “Pero caramba hasta cuando, ken nos tin cu reclama [esaki]... pero tur dia un of dos distrito ta cay abao, ban ta serio.” Otro ciudadano a post riba pagina di NV Elmar: “Kiko Elmar mes ta pensa di e prijs-kwaliteit verhouding di nan product?” Mayoria



di ciudadano sinembargo tabata expresa preocupacion pa e frecuencia di interrupcion di suministro di coriente y e problemanan cu esaki por causa na hogarnan. Ciudadanonan a expresa preocupacion si cuminda ta bay daña den frigidaire, si aparatonan electrico ta bay daña door di e fayonan den coriente, y si e interrupcion di coriente ta afectando actividadnan comercial.

“Pa 9:10 p.m. nos techniconan tabata staciona na nos onderstationnan y pendiente pa WEB reestablece produccion di coriente pa asina nos por cuminsa suministra coriente back. Pa mas o menos 9:22 p.m. ELMAR a wordo notifica door di WEB

cu por a cuminsa suministra coriente back den algun area”, NV Elmar a relata den nan comunicado. “Durante henter e proceso aki ELMAR a keda monitoria e estabilidad y suministro di coriente. Pa 9:35 p.m. suministro di coriente a ser reestableci den e area di Avenida Milo Croes, Kooyman y vecindario.”

Sinembargo, segun a indica, “pa 9:39 p.m. a surgi un biha mas un problema den e planta di WEB cu a ocasiona un di dos black-out. Nos techniconan a keda ‘stand-by’ pa asina cu WEB soluciona e problema, nos por sigui suministra coriente back.” Esaki atrobe a trece cune ola di critica y consternacion riba e puntonan menciona.

“Pa 10:01 p.m. a cuminsa suministra coriente den e area di Balashi, Savaneta Zuid y vecindario. Pa 10:03 p.m. a cuminsa suministra coriente den un parti di Santa Cruz. Pa 10:06 p.m. suministro di coriente a ser reestableci den e area di Balashi, Pos Chikito, TeleAruba, Santa Cruz, un parti di Savaneta y vecindario. Pa 10:23 p.m. a cuminsa suministra coriente den e area di Hospital, Bubali, un parti di Palm Beach, La Cabana y vecindario. Pa 10:25 p.m. suministro di coriente a ser reestableci den e area di Paardenbaai, Punta Brabo, Manchebo, Schelpstraat y vecindario. Pa 10:46 p.m. a cuminsa suministra

coriente den e area di San Jose, Arawak, Palm Beach y vecindario. Pa 10:51 p.m. suministro di coriente a ser reestableci den e area di Airport, Garage Cordia, PriceSmart, CMart y vecindario. Pa 10:57 p.m. suministro di coriente a ser reestableci den e area di Moko, Paradera y vecindario. Pa 11:03 p.m. a cuminsa suministra coriente den e area di Keito, un parti di Noord, Washington y vecindario. Pa 11:04 p.m. suministro di coriente a ser reestableci den e area di Tanki Leendert, un parti di Oranjestad y vecindario. Pa 11:07 p.m. suministro di coriente a ser reestableci. Aruba henter tabata tin coriente back”, Elmar a relata.

Pero asina mes, atrobe “pa 11:38 p.m. nos a confronta un interrupcion den e distribucion di coriente na un parti di e area di Seroe Blanco. Di biaha nos techniconan a mobilisa pa atende cu esaki. Pa 4:03 a.m. suministro di coriente a ser reestableci den e area di Seroe Blanco”, segun Elmar mes ta conta.

“ELMAR a percura pa provee ‘updates’ continuo via nos pagina di Facebook pa mantene e comunidad di Aruba bon informa. ELMAR su team completo a traha incansabel pa atende cu e situacion di black-out y reestablece suministro di coriente back na Aruba. Nos ta gradici nos techniconan pa nan dedicacion. ELMAR ta gradici e comunidad di Aruba pa e pasenshi durante e interrupcion den produccion di coriente cu tabata fuera di nos alcance”, e comunicado ta finalisa bisando.

Sinembargo, no a duna un splicacion claro riba kico precies ta e problema cu ta bin ocasionando interrupcion di coriente, principalmente riba diasabra. WEB di su banda a limita na bisa cu “un fayo den plantanan di WEB” a ocasiona e blackout, lagando comunidad cu cantidad di pregunta. Comunidad a puntra entre otro si ta falta di inversion, fayonan tecnico pasobra mester upgrade of mester personal mas capacita, of hasta si ta trata di un forma di sabotaje.

Ta spera cu den proximo dianan ta bay tin mas claridad riba e situacion.



Diasabra atardi a bira conoci e mural dedica na Boy Ecury na Filomena College Mavo

Diasabra atardi na Filomena College Mavo na San Nicolas a tuma luga un actividad pa duna di conoce e mural dedica na e heroe Arubiano Boy Ecury unda diferente minister, parlamentario y su excelencia Gobernador Alfonso Boekhoudt tabata presente den e acto aki cu tabata e clausura di un proyecto.

“Opzoek Naar Boy” manera e proyecto aki a yama a cuminsa na februari 2022 den colaboracion cu Muchila Creativo, Colegio San Antonio y Media College MBO di Amsterdam.

Studentenan a siña con ta haci investigacion digital y nan a haya tayer di teatro for di John Freddy Montoya y Lupita Bernabela, e arte visual a keda den man di Esmeralda Kelly y Rudbeth Wolf. E resultado ta un bunita mural cu a wordo crea den un di e murayanan di Filomena College Mavo unda cu despues cu a wordo devela un obra di teatro cu tambe tabata tocante Boy Ecury a tuma luga den e main stage di Art Fair.

Di esaki, Raquel Lampe cabesante di Filomena College a bisa cu diasabra tabata un dia hopi special pa su scol



cu ta para pa arte y cultura di proyectonan asina cu por duna e hobennan e plataforma pa mostra nan talento pero tambe pa siña nan algo mas pa nan futuro, un experiencia inolvidabel manera el a sigura.

“Opzoek Naar Boy a hiba nos bek den tempo pa asina recorda tur kico nos heroe nacional Boy Ecury a nifica pa nos y pa nos Aruba, tambe el a hiba nos hobennan e cual ta e parti mas principal, den tempo unda cu no tabatin medionan manera awendia unda alumnonan a siña conoce mas di cerca ken ta

Boy, pasobra hopi biaha nan ta haya mucha di conoce ken ta Boy Ecury y pakico nos ta papia di dje?, esey ta loke e proyecto a haci pa e hobennan unda e alumnonan a siña cu Boy Ecury tabata un hoben cu curashi y cu tambe tabata travieso, tabata un hoben mescos cu nan, cu a para pa principio y e no a dobla bao di presion, sigur un ehemplo pa nos muchanan den tempo di awe cu nan por sigui,” Lampe a señalá.

Asina mes, el a bisa cu e alumnonan a haya momento pa demostra nan talento pa bay den e buskeda interno pa

nan propio heroe hunto cu e docentenan Esmeralda Kelly y Rudbeth Wolf, ademas di John Freddy Montoya y Lupita Bernabela unda nan a siña di diferente forma pa nan expresa nan mes no solamente den arte visual sino tambe den musica y obra teatral.

“Awe nos ta presencia e mural cu ta un obra cu nos docente y artista Esmeralda Kelly a elabora y cu e idea cu a nace di e proyecto aki Opzoek Naar Boy”, Lampe a declara.

Stichting Monumentenfonds Aruba tambe a forma parti di e proyecto aki caminda Mirclá Nava den representacion di e fundacion a duna algun palabranan e dia ey a gradici na juffrouw Connie pa e bunita proyecto aki y tambe el a gradici na scolnan, alumnonan, docentenan, instancianan involvi y famia Ecury cu a participa den esaki.

“Un proyecto cu sigur ta yena nos como partner cu orguyo, mas cu un aña pasa nos a wordo acerca pa juffrouw Connie pa asina bay hunto cune bay den buskeda di Boy, e no ta un proyecto cu ta di link directamente na un proyecto di restauracion di Stichting Monumentenfonds manera nos ta custumbra, pero si e ta trata di un famia, su historia cu ta pertenece na un di e monumentonan mas importante di Aruba, e ta trata di un historia cu nos no mag lubida”, Nava a indica.

Banda di esaki, e ta complementa otro proyectonan cu actualmente nan fundacion ta bezig manera por ehemp-

lo, por a mira recientemente a ser lansa un Casita Delft Blue cu lo conta historia di Boy Ecury rond di mundo y nan ta trahando riba un audio tour cu lo conta un tiki di historia tambe di segunda guerra mundial, ademas tambe lo tin un buki dirigi na muchanan di 4 pa 8 aña cu lo ta saliendo den un par di siman cu tambe lo conta un tiki historia di Boy Ecury.

“E proyecto aki ta complementa e otro proyectonan y principalmente pasobra e ta pa un grupo diferente cu ta e hobennan di scol secundario”, el a bisa.

Boy Ecury su historia na Aruba Art Fair

Ademas, Lupita Bernabela ken conhuntamente cu John Freddy Montoya a traha e obra di teatro di Boy Ecury cu a wordo muestra na diferente minister, parlamentario, publico presente y su excelencia gobernador Alfonso Boekhoudt diasabra anochi den e main stage, a declara cu nan a duna na e muchanan cu no tabatin experiencia cu teatro e lesnan den un periodo di dos luna na nan scol unda e muchanan pa via di esaki, a haya mas confiansa y prome cu esaki den nan les di historia, nan a trata Boy Ecury, “esey tabata e base pa nos por a sigui traha cu nan”, el a comenta.

Scolnan cu a participa den obra di teatro tabata Filomena College Mavo, Colegio San Antonio, scol secundario di Santa Cruz y Muchila Creativo cu a percura pa e parti musical unda muchanan a canta y a toca.



Editor

Caribbean Speed Printers N.V.
Aruba Bank N.V. Acc. #332668
Caribbean Mercantile Bank N.V.
Acc. #23951903
RBC Royal Bank Acc. #1330772

Ass. Dir. Ehecutivo

Xiomara Arends

Redaccion

noticia@bondia.com

Pilar Flores (hefe di redaccion)
Angenette Figuereo (closer editor)
Leo Maduro
Dilma Arends
Andreina Morillo
Raisa Montilla

Ehecutivo di Benta

aviso@bondia.com

Sulaika Croes

Aviso y Arte

Sandra Loefstop

Lisa Tromp

Departamento Digital

Juan Luis Pinto

Administracion
accounting@bondia.com

Mariette Engelhart
Martha Arteta de Ariza

Distribucion

Jenny Kelly

Coleccion

Evelinda de Cuba - Tromp

Pre Press

Luis Fernando Arenas (Hefe)
Pablo Libre

Press

Roland Schenker (Hefe)
Omar Ramirez
Martin Boekhoudt
Francis Dirksz

Colaboracion

Luis Villegas
Associated Press
Ret Karibense
Upload Media Aruba

Afiliacion

Sociedad Interamerica
di Prensa (SIP)

DIRECCION

Adres: Weststraat #22
Tel: 582-7800
Email: noticia@bondia.com
aviso@bondia.com
info@bondia.com
Website: www.bondia.com
Facebook: @bondianoticia
Instagram: bondiaaruba

BON DIA ARUBA ta un corant redacta y imprimi na Aruba y ta obenibel di dialuna te cu diasabra. Ningun contenido por wordo reproduci sin permiso di editor.

Mas crucero ta nifica mas contaminacion

Den ultimo simannan, Aruba a celebra e yegada di “first calls” nobo di cruceronan enorme, cu ta impulsa nos industria di turismo y na su turno ta contribui na nos economia, cual ta den fase di recuperacion despues di pandemia di Covid-19. Sinembargo, no ta tende hopi – of nada – di e consecuencianan di turismo crucero riba medio ambiente y bida den lama.

Segun Consejo Internacional riba Transporte Limpi (ICCT pa su siglanan na Ingles) biahe riba crucero ta genera hopi mas contaminacion cu biahe via avion.

Den nan inventario di emision, ICCT a haya cu e cruceronan mas grandi y eficiente ta emiti como 250 gCO₂/pax-km. Basa riba e data den e inventario di emision di avion transatlantico mas recien di ICCT, e intensidad averahe di carbon di e industria ta varia di aproximadamente 10 gCO₂/pax-km na 130 gCO₂/pax-km, mientras vuelonan mas largo tin un intensidad di carbon mas abao. Na 2mil kilometer, e intensidad averahe di carbon ta aproximadamente 80 gCO₂/pax-km. Y esey ta pa CO₂ so.

Contando e impacto climatico di contaminadornan di bida cortico (SLCPs) manera methaan, carbon preto, y “contrails” persistente di avion por cambia e panorama pa aviacion. Mientras no ta precies, e miho calculacion di cientificonan ta cu e impacto total (CO₂ cu SLCPs) di avion ta como tres biaha esun di CO₂ s, segun ICCT. Pero crucero tambe ta emiti SLCP, particularmente methaan.

Crucero tambe ta un hotel flotante, pues tambe mester considera emisionnan di estadia di hotel pa esnan cu ta bula riba avion. Pero hasta asina, un pasahero riba crucero ta emiti como dos biaha mas CO₂ cu un persona cu ta

biaha riba avion y ta keda na hotel.

Ademas, ta importante pa sa cu cruceronan nobo cada bes mas ta opta pa methaan como combustible, den forma di LNG. Clarksons ta calcula cu mita di crucero nobo siendo construi awendia ta core riba LNG. Mientras esaki ta reduci emisionnan directo den aire, e tipo di motor cu cruceronan ta usa ta leak methaan sin kima den atmosfera. Esaki ta yama “methane slip”, y e emisionnan “life cycle” di gas di inveneradero for di e motornan aki ta resulta mas halto cu usa marine gas oil di menos sulfur, segun investigacion di ICCT.

Pa e cruceronan cu no ta core riba LNG, hopi ta usando “scrubbers” cu ta manda e contaminacion back for di aire den awa. E awa descarga pa e scrubber ta contamina cu substancianan conoci como polycyclic aromatic hydrocarbons y metalnan pisa cu ta vincula cu cancer y problemanan reproductivo den animalnan di lama. Tur esaki djis pa cruceronan por continua usando heavy fuel oil mas barata na lugar di combustible cu menos sulfur pa cumpli cu Organizacion Maritimo Internacional su regulacionnan di sulfur den combustible. Desafortunadamente, ICCT ta calcula cu uso di scrubbers ta resulta den emisionnan directo y “life cycle” di CO₂ mas halto cu uso di marine gas oil, como tambe mas emision di materia particula halto, incluyendo carbon preto cu ta contribui na kentamento global.

Segun Forbes, ademas di e contaminacion causa pa uso di combustible, cruceronan ta descarga desperdicio, combustible y awa residual (rioolering) den ocean.

Y segun Marine Insight, un crucero di luho ta lansa dies



biaha mas emision di carbon cu tur auto na Europa. Un crucero cu capacidad pa 3mil persona ta genera 150mil galon di awa residual y “gray-water” – awa cu a usa den sink, shower, etc. – suficiente pa yena 10 pool. Cruceronan ta deposita alrededor di 120mil galon di awa residual humano den ocean durante un biahe di un siman. E awa residual ta inclui awa for di WC y facilidadnan di salud riba e crucero. E awa residual aki ta rico den bacteria y alga cu ta afecta negativamente e animalnan den lama y henter e ecosistema marino. Hopi otro desperdicio peligroso, manera desperdicio biologico conteniendo virus, ta wordo genera riba crucero.

Marine Insight ta reporta cu na 2019, Carnival Cruise Lines a ricibi un multa di 60 miyon dollar pa obstruccion di husticia y pa ilegalmente dump cantidadnan enorme di azeta, plastic y desperdicio den lama. Ademas, e ciudadnan flotante aki ta produci alrededor di 15 galon di desperdicio kimico peligroso cada dia.

Cruceronan tambe ta produci contaminacion di zonido. E zonido cu barconan ta produci ora nan pasa tin un efecto negativo riba medio ambiente ya cu ta afecta e ecosistema marino. A diferencia di otro barconan, crucero ta contribui fuertemente na contaminacion di zonido den lama, ya cu e bentana di contaminacion di zonido riba crucero ta hopi halto. Ademas di contaminacion

di zonido for di mashin di e barco, danki na actividadnan di entretenimento abordo ta genera mas zonido, cu ta afecta animalnan den lama, incluyendo bayena y dolfijn, ora nan horea sensitivo ta sufri daño y ta keda debilita, conduciendo na morto indesea y perdida general na e ecosistema.

Marine Insight ta calcula cu cruceronan ta contribui 24 porciento di e total di desperdicio solido genera pa trafico marino rond mundo, ya cu un barco di luho asina por produci siete ton di desperdicio solido den un solo dia. Esaki ta inclui papel, carton, aluminium, etc. Materialnan asina riba superficie di ocean ta presenta un peliger a gran escala pa mata y animalnan di lama.

Ademas, crucero ta un menasa severo pa rif di coral y organismonan relaciona. Como barconan turista, e entrada y bahamento di anker di crucero den areanan perturba y no perturba di rif di coral na mundo a resulta den cantidad di incidente cu ta involucra destruccion di e maraviyanan natural aki. E accidentenan aki tambe ta afecta e integridad ecologico y biodiversidad di e rifnan. Por ehemplo, na 2017 e crucero Britanico, MS Caledonian a crash den e rifnan pristino na Indonesia, destruyendo 17,222 pia cuadra di rif di coral, causando mas di \$19 miyon den daño irreparable.

Ademas di contaminacion di aire y awa causa pa crucero, dolfijn y bayena tambe ta victima di e trafico di e barconan aki. E barconan enorme aki ta responsable pa herida, y hopi biaha mata, animalnan marino, particularmente fin whales, orca y humpback whales.

Pues mientras ta considera e beneficio di e recuperacion di turismo crucero na Aruba, tambe ta importante pa considera e costo di esaki, y si algo cu realmente nos ecosistema por carga.



Minister Ursell Arends:

Interes grandi pa Congreso Consultativo Corporate Governance un ehempel di democracia mas participativo



Diahuebs mainta 3 di november, a inicia e Congreso Consultativo di Corporate Governance unda esnan cu ta labora den e tereno di entidad publico y semi-publico por a participa y contribui den e proceso legislativo riba e concept-Landsverordening y Code Corpo-

rate Governance.

E meta di e congreso ta pa haci un inventario di posibel circunstancianan cu lo por impidi cumplimiento di e leyman, prome cu sigui cu e proceso legislativo y asina garantiza cu e leyman lo funciona debidamente den practica. Gabinete Wever-Croes II tin

e ambicion pa fortalece practicanan di Good Corporate Governance den e entidadnan publico y semi-publico mas pronto posibel, y a base di miho standardnan internacional ("best practices").

Minister di Integridad, Sr. Ursell Arends ta contento di mira e interes cu tin den



comunidad pa hunto haci pasonan pa realisa "excellent corporate governance". Tur pregunta, comentario y sugerencia ta aporta na un Ordenansa Nacional mas aplicabel den practica. E congreso ta sirbi como ehempel di un democracia mas participativo pa bienestar general, un punto clave den vision di Minister Arends.

Palabra di gradicimento ta bai na miembronan di Commis-

sie Corporate Governance pa cumpli cu tareanan cu e meta pa hisa e nivel di integridad den e aparato publico y semi-publico. Na consehero huridico, mr. Carlos Guiamo cu a sa di carga e proyecto aki di parti di ministerio TINO, na key partners, Themis Institute for Governance & Leadership y Universidad di Aruba. Mas cu claro ta desea exito na tur esnan cu a participa.

Mr. dr. Germaine Rekwest a presenta su promotieonderzoek na Minister Geoffrey Wever



Diamars 1 november mr. dr. Germaine Rekwest

a presenta su promotieonderzoek na Minister

Geoffrey Wever. E investigacion a identifica e retonan di Corsou pa cera tratadonan fiscal cu otro paisnan.

Aunke e enfoke di e promotieonderzoek ta Corsou, e contexto for di un punto di bista di maneho y for di un punto di bista di interes economico, ta sobrepasa e pais aki door cu e investigacion ta duna bista den e retonan di paisnan cu ta den posicion similar manera Corsou, e asina yama Small Island Developing States (SIDS).

Aruba tambe ta un Small Island Developing State, y ta den un situacion institucional similar, pa cual motibo e resultadonan di e investigacion ta interesante pa Aruba tambe.

Presente tabata tambe representante di Departamento di Impuesto (DIMP), Dienst Buitenlandse Betrekkingen (DBB) y Grand Thornton. Mr. dr. Germaine Rekwest a desaroya un cuadro di consideracion (afwegingskader) cu ta duna guia ora desaroya maneho di tratado fiscal. Mr.

dr. Germaine Rekwest ta splica cu un tratado fiscal ta tambe un instrumento economico unda por identifica cua paisnan por ta mercadonan atractivo.

"E resultado di e promotieonderzoek ta sumamente interesante, vooral e instrumento economico cu esaki por nifica. Mi ta gradici señora Rekwest pa su presentacion y mi ta desea señora Rekwest hopi exito den continuacion di su trabounan den e ramo aki", Minister Geoffrey Wever.

Update di Encuesta di Mucha y Hoben 2022

Desde diabierna 14 di oktober, Oficina Central di Estadística (CBS) ta ehecutando un encuesta tocante mucha y hoben: Encuesta di Mucha y Hoben 2022. E proposito di e encuesta aki ta pa haya un mihor bista di diferente tema di importancia pa mucha y hoben.

Esaki ta trata por ehempel: actividadnan di mucha y hoben den nan tempo liber (deporte, arte, trabao bolun-

tario), participacion na scol, participacion riba mercado laboral, bista riba nan futuro, relacion cu mayor, uso di celular, medionan social, gaming y posibel problemanan relata na esakinan, humamento/vaping, uso di alcohol y droga y salud mental. E encuesta lo tin un duracion di 1 luna.

Pa un mucha of hoben cu ta menor di edad por participa, mester di e aprobacion di un mayor of voogd. Un total di

3.500 hogar lo wordo bishita door di encuestadornan di CBS. Encuestadornan por wordo identifica na e badge cu nan number, potret e logo di e encuesta y e logo di CBS.

Tur informacion colecta durante e encuesta aki ta wordo procesa anonimamente y lo publica solamente estadisticamente den forma agrega. E informacion di tur mucha y hoben ta contribui na mehora e disponibilidad di informacion pa por tin un mi-

hor bista riba e desaroyonan cu ta tuma lugar cerca mucha y hoben na Aruba. Pa e motibo aki e contribucion di cada mucha y hoben ta esencial!

Update
Pa medio di e relato aki CBS kier a informa cu pa e di tres siman di e Encuesta di Mucha y Hoben 2022 ya caba nos encuestadornan a entrevista un total di 1294 hogar y 2201 mucha y hoben entre 0 pa 24 aña di edad.

CBS ta gradici tur mucha, hoben y mayor/voogd cu ya caba a participa na e Encuesta di Mucha y Hoben 2022 y ta pidi cooperacion di tur esnan cu lo wordo acerca door di nos encuestadornan den e diano venidero. Pa mas informacion, por tuma contacto libremente cu e team di CBS di dialuna pa diabierna durante ora di oficina (7:30 am - 4:30 pm), na number di telefon: 524 7433 of por manda un e-mail na cbs@setarnet.aw.

Gabinete Hulandes ta aloca 670 miyon euro pa preparacion pa pandemia den futuro

(NLTimes) – **Ministerio di Salud lo inverti 670 miyon euro te cu aña 2026 pa mehora e preparacion pa pandemianan nobo, pa motibo cu e strategia durante e pandemia di coronavirus no tabata suficiente.**

E Gabinete a keda di acuerdo tocante esaki riba diabierna, Minister di Salud Ernst Kuipers a skirbi den un carta na Tweede Kamer.

Di e placa aki, un total di 74 miyon euro lo bay na GGD su sucursalan di salud publico durante e siguiente 2 aña. Esaki lo ta pa inversion den training y mehoracion di e experticio di e empleadonan di GGD. “Di e manera aki, e calidad y profesionalismo di e empleadonan pa control di

malesanan infeccioso ta keda manteni,” Kuipers a bisa.

Durante e siguiente 3 aña, un total di 48 miyon euro lo ser dedica pa miho sistemanan di IT, provision di informacion y compartimento di data entre e partidonan directamente involvi den e prevencion y control di un pandemia, manera National Institute for Public Health and the Environment (RIVM), GGD y e organisacion cu ta maneha nan, GGD GHOR. Nederland.

“Durante e pandemia, rapidamente el a keda cla cu e provision di informacion existente no ta bon ekipa pa e control di e pandemia,” Kuipers a splica.

Un suma di 9 miyon extra lo



ser haci disponibel proximo aña pa e establecimiento di National Infection Control Functionality (LFI). E cantidad aki ta agrega un biaha mas na e cantidad anual di budget di 10 miyon euro cual tambe ta pa e proposito aki. LFI mester tuma e rol coordinador for di e mita di aña 2023, den e evento di un pandemia andando of nobo. “Por ehempel, den temponan di crisis, un maneho decisivo por ser conduci, cu mas

maneho central di Minister di Salud, Bienestar y Deporte,” e Minister di salud a comenta.

Esfuersonan continuo tambe ta ser haci la loke ta trata e habilidad di e sistema di cuido di salud den aumenta e escala den bista di un crisis nobo. Por ehempel, dokternan adicional por ricibi training den control di malesa infeccioso y inversionnan pro ser haci pa mehora e conocimiento y

training di personal den cuido di salud.

Atencion tmabe lo ser presta na tin suficiente producto medico disponibel durante un crisis. Na comienso di e crisis di coronavirus, tabatin un escasez di tapaboca y otro articulonan medico pa empleadonan di cuido di salud, entre otro articulonan di proteccion. Esaki ta rekeri cooperacion ambos nacionalmente y internacionalmente.

E Ministerio a haci e plannan aki despues di varios investigacion critico y un dispositivo for di Dutch Safety Board, e Cientific Council for Government Policy y otro organisacionnan. E Ministerio id Salud a siña lesnan for di estudionan aki, Kuipers a skirbi.

Studiantenan na Amsterdam ta experiencia mas stress te na punto di suicidio



(NLTimes) – **Studiantenan di scol secundario na Amsterdam ta experiencia stress cu mas frecuencia compara cu e averahe na Hulanda, segun un estudio publica diabierna. Ademas, e estudio a ilustra cu un tercer parti di e studiantenan di kehonan psicologico, y un di 5 parti a considera suicidio seriamente. Alcalde di Educacion Marjolein Moorman a yama e resultadonan “alarmante” den un respuesta.**

Stress ta experiencia pa mita di e studiantenan na Amsterdam. Studiantenan femenino den e nivel di HAVO/VWO en particular ta experiencia stress y sufri di kehonan psicologico, segun e investigadornan. E studiantenan ta den programan cu ta na caminda pa drenta universidadnan di investigacion y universidadnan di ciencianan aplica.

E investigacion tambe a demostra cu tin segregacion den educacion secundario na Amsterdam, cu “e proporcion di studiantenan cu tin mayornan cu educacion vocacional/universitario cada biaha aglomerando mas den algun scolnan di Amsterdam,” Moorman a skirbi den un carta tocante e estudio. E alcalde a yama e situacion aki “preocupante” pa motibo cu esaki por causa “diferencia den futuro.”

E estudio tambe a demostra cu e escasez den docente tambe ta keda aumenta y cu mita di Amsterdam su maestronan ta “experiencia demasiado tiki espacio y tempo pa guia y brinda sosten na e studiantenan,” e carta a sigui splica. E habilidadnan den matematica y lenguahe di e studiantenan drentando educacion secundario den e capital tambe ta den disminucion.

“Tin gran preocupacion tocante e bienestar di studiantenan den educacion secundario,” Moorman a comenta, ken lo trata e resultado cu e “sector di educacion.” E municipalidad a bisa cu nan lo enfoca riba “prevencion y sosten” via “varios programa.” E intencion ta cu Moorman lo manda e Consejo un muestra di su “Education Agenda” pa 2023.

CAS HABRI HOSPICE ATARDI



E aña aki Hospice Atardi ta celebra su di 4 aña di existencia. Pa nos un bunita oportunidad pa habri nos portanan pa hendenan interesa pa conoce nos hospice y e cuido cu nos ta duna.

Bo kier conoce nos hospice? Bo tin pregunta tocante e cuido y/of e trabao cu nos boluntarionan ta haci? E ora ey bo ta bon bini pa conoce nos hospice y su bunita hardin. Lo tin hende pa duna splicacion!

**Lugar: Hospice Atardi
Adres: NCC 147
Fecha: diasabra 19 di November
Orario: 10.00- 13.00 'or**

Casi mita di tur Hulandes no ta celebra eventonan di Sinterklaas mas



(NLTimes) – Casi mita di pueblo Hulandes no tin plan pa celebra na eventonan di Sinterklaas e aña aki. Mas di 41 por ciento a bisa cu nan tin plan pa no bay e festividadnan, segun un encuesta di Hart van Nederland di mas di 3,400 persona.

Participantenan a cita controversia tocante Zwarte Piet – un personahe den e celebracionnan cu tradicionalmente ta bisti blackface – como un

di e motibonan principal pa no participa den fiestanan di Sinterklaas.

Manifestacionnan na eventonan unda tin Zwarte Piet ta comun. Algun celebracion a elimina e blackface como respuesta na e controversia, mientras otronan tin Piet shinishi, bistiendo makeup shinishi en bes di preto.

E crisis economico tabata otro motibo grandi pa hende keda cas na lugar di bay eventonan di Sinterklaas. “Tin otro gastonan involucra.

Como famia, nos a dicidi di keda sin bay un biaha, y bay e siguiente aña”, un muhe a bisa Hart van Nederland.

Pero tin un cantidad grandi di Hulandes cu si ta celebra e festival. Un di cada tres ta cumpra mangel special pa e ocasion, incluyendo pepernoten y chuculati.

“Nos ta haci mescos cu semper, cu mesun exuberancia!” otro muhe a bisa Hart van Nederland. “Un tiki menos? No, e ta bira mas cada aña!”

Minister Hulandes ta propone expansion di schema di testigo clave *Pa combati crimen organisa*

(NLTimes) – Minister di Husticia y Seguridad, Dilan Yeşilgöz kier expande e schema di testigo clave pa incentiva mas criminal pa testigua den casonan di crimen organisa.

E minister ta sugeri e habilidad pa elimina e sentencia di e testigo clave por completo, te cu un maximo di seis aña, segun De Telegraaf. “Mi kier haci nos pais lo menos atractivo posible. Ta djis demasiado facil awo”, Yeşilgöz a bisa De Telegraaf.

E ta propone pa hacie mas atractivo pa criminalnan testigua contra nan lidernan den corte bao e asina-yama schema di testigo clave. Na e momentonan aki, e schema ta cubri principalmente criminalnan serio cu ta testigua a cambio di un reduccion den sentencia, segun De Telegraaf. Sinembargo, Yeşilgöz kier expande esaki pa inclui “pisca chikito” cu tambe por tin informacion util.

Actualmente, testigonan clave por ricibi un reduccion di hasta 50 por ciento den nan sentencia a cambio di un testimonio. Yeşilgöz kier expande esaki, dunando testigonan clave e chens pa hasta elimina nan sentencia completo si esaki ta seis aña of menos.

Ministerio Publico (OM) recientemente a rechasa un testigo clave den un movida sin precedente. A gara e testigo durante un examinacion, unda a keda revela cu e por a gaña sin inhibicion. Como contesta, presidente di Asociacion di Polis Hulandes ta sugeri pa mehora e proceso di seleccion di testigonan clave den futuro.

E minister tambe ta propone pa reforsa wafnan y Schiphol mediante compensacion adicional pa combati crimen organisa y minimisa e cantidad di droga drelando e pais.



Polis ta libera tur 200 persona aresta na protesta contra jet priva

(NLTimes) – Tur 200 persona cu a keda aresta durante e protesta diasabra na aeropuerto Schiphol na Amsterdam a keda den libertad, segun polis a

confirma ayera.

Den total tabatin 400 persona tabata involucra den e protesta, cu a tuma lugar na e parti di aeropuerto reserva pa avion chikito y avion priva, segun marechaussee a bisa. Algun di e manifestantenan a sinta bao di avion, otro a mara nan mes cu cadena na e tairanan. Esnan cu a nenga di bandona e sitio pa comienso di atardi a keda aresta.

E manifestantenan a bisa cu varios vuelo priva no por a bay door pa motibo di e campaña. Sinembargo, declaracionnan di grupo di lobby di aviacion comercial Europeo, EBAA cu un vuelo medico cu un pashent abordo no por aterisa pa motibo di e protesta a keda rechasa despues pa autoridad di aeropuerto Schiphol.

Tanto Greenpeace como Extinction Rebellion, organisadornan di e protesta, anteriormente a bisa cu no a interumpi ningun vuelo cu tabata yegando, y cu nan tabata den contacto cercano cu autoridatnan di e aeropuerto pa sigura cu tur vuelo di emergencia por a aterisa.

“Schiphol ta supposed di ta reduciendo den tamaño, pero ainda nan ta construyendo un terminal nobo, y e riconan cada bes mas ta usando jetnan priva – e forma mas contaminante pa biah”, vocero di Greenpeace, Dewi Zloch a bisa.

“Esey mester stop. Nos kier menos vuelo, mas trein y un prohibicion riba vuelonan cortico y jetnan priva.”



12 muhe den custodia despues cu nan a yega di Siria

(NLTimes) – E 12 muhenan aki kendenan ta sospechoso di terrorismo y a ser busca na Siria riba diamars lo permanece den custodia pa 2 siman mas, segun loke e magistrado di examinacion na corte di Rotterdam a dicidi riba diabierna.

E muhenan y nan 28 muchanan a yega Hulanda diamars atardi. Despues di a yega, e muchanan a ser entrega na serviccionan di proteccion y a ser poni den institucionnan. Riba diabierna, e muhenan a presenta dilanti e magistrado un pa un. Nan ta sospecha di crimennan terorista.

E muhenan y nan yiunan tabata den campeonan di detencion pa añanan largo, unda condicionnan di bida ta pover. E Gabinete a dicidi di trece e muhenan back pa asina nan por ser procesa na Hulanda pa nan posibel rol den e organisacion terorista di estado Islamico (IS). Si esaki no ser haci na tempo, e demandanan lo a keda retira.

Den añanan recien, varios hende muhe a ser sentencia pa corte na Hulanda pa causa di nan sosten brinda na e grupo terorista IS, cual a declara cu nan ta reina riba Siria y Iraq den año 201



14 municipalidad ta prohibi klapchi prome cu celebracionnan di fin di año yega

(NLTimes) – 14 municipalidad na Hulanda a implementa un prohibicion completo na klapchi e año aki, prome cu celebracionnan di fin di año. Den 12 di e municipalidadnan aki, e prohibicion ta permanente, nificando cu esaki ta extende na e proximo añanan binidero tambe, segun NU.nl.

Durante e pandemia di coronavirus, klapchinan a ser prohibi rond di e pais pa evita cu hospitalnan lo keda abruma cu personanan cu a keda herida pa causa di kalpchi. Sinembargo den año 2022,



e prohibicionnan aki ta den cierto municipalidadnan so segun NOS.

Awo, algun di e municipalidadnan a cuminsa tuma ac-

cion contra di klapchi pa causa di dañonan potencial, heridanan y e strobamento cu nan por causa, segun Nu.nl. Amsterdam, Rotterdam, Schiedam, Haarlem, Bloec-

mendaal, Heemstede, Apeldoorn, Nijmegen, Heumen, Mook en Middelaar, Soest y Utrechtse Heuvelrug ta e 12 municipalidad cu a introduci un prohibicion permanente.

Ademas, mas o menos 70 municipalidad a crea zona liber di klapchi segun Nu.nl. Esakinan hopi biaha ta den areanan manera scolnan, casnan di cuido of misanan.

Ta aparenta cu proximo año, varios municipalidad lo uni na e prohibicion aki. Un encuesta di maart a muestra cu 65 porciento di alcaldenan ta na favor di un prohibicion,


demonstrando un moda cu ta creciendo, segun NOS. Varios partido tambe ta trahando na un nivel nacional pa institui un prohibicion den henter e pais pa cu klapchi, recursanan cu hopi municipalidadnan ta bia cu nan no tin.

Varios di e municipalidadnan cu a prohibi klapchi lo ofrece shownan di luz y klapchi oficial na luga di esaki, segun Nu.nl. Ademas, cierto categorianan di klapchi manera F1 si lo keda permiti den algun municipalidad.

Homber encarcela erroneamente pa Gobierno Hulandes pa 2.5 año

(NLtimes) – A determina cu un homber ken a keda aresta na Schiphol den juni di año 2019, aunke e no tabata sospechoso den ningun investigacion, a ser aresta erroneamente. Corte na Den Haag a declara cu Gobierno Hulandes a abusa di nan poder y cu e homber tin derecho na ricibi compensacion, segun De Volkskrant.

E homber, ken a pidi pa permanece anonimo, a keda aresta pa Marechaussee en conexcion cu un investigacion tocante labamento di placa pa Fiscal Intelligence and Investigation Service (FIOD). Sinembargo, e negociante di descendencia Marocano no



tabatin status di sospechoso den ningun investigacion di FIOD, segun De Volkskrant.

E informacion no a Sali na cla pa algun tempo. Te cu April ultimo, e Ministerio di Justicia y Siguridad a admiti cu

e aresto ta conecta na FIOD. Pa varios año, e homber su aresto y encarcelamento tabata pensa di ta relaciona cu un

conviccion bieu na Francia.

“E hecho cu esaki no tabata e caso ta nifica cu nos a haci procedencia falso den corte pa 2 año y mey,” un di e abogadonan, Tom de Boer a conta De Volkskrant. E ex sospechoso, ken a ricibi pordon den december di año 2021, tin derecho na un cantidad potencialmente significante den compensacion for di Gobierno, De Boer a splica.

“Nunca mi tabatin un chens husto pa defende mi mes,” e homber a expresa na De Volkskrant. Te ainda no ta cla dicon el a ser trata como un sospechoso den e tempo di su aresto, segun De Volkskrant.

Nicaragua: CIDH a adverti cu no tin condicion pa eleccion municipal “liber y husto”

(Infobae) – Pa e Comision Interamericano di Derechonan Humano (CIDH), e celebracionnan di diadomingo ta “den un contexto di represion contra e oposicion politico, cu medidanan destina pa impedi su participacion y e ausencia di reformanan pa e restructuracion di e Ley Electoral.”

CIDH a adverti cu e condicionnan pa eleccionnan municipal no ta na luga pa un eleccion “liber y husto” riba diadomingo na Nicaragua, segun un comunicado riba diabierna.

E comision ta lamenta e “falta di condicion minimo necesario pa e realizacion di eleccion liber, husto y competitivo, e ausencia comproba di un sistem electoral independiente y e continuacion di e



violacionnan na derechonan humano” contra e opositornan di Gobierno.

Mas di 200 persona cu ta opone e gobierno ta encarcela na Nicaragua desde e manifestacionnan na 2018, cu e regimen di Daniel Ortega, un ex guerrillero den poder desde aña 2007, a relaciona cu un supuesto golpe di estado di parti di Washington

cu a fracasa.

E comunidad internacional ta considera fraudulento e eleccionnan Nicaragüense di aña 2021, den cual Ortega a keda elegi un biaha mas y a celebra cu e rivalnan di e mandatario encarcela of exilia.

E detencion prolonga di e centenares di persona “tin un efecto den e poblacion,”



CIDH a declara.

Den e ultimo simannan recien e organo autonomo di Organizacion de los Estados Americanos (OEA) a sigura cu a constata un “persecucion” contra e opositornan. Ademas, cuerpo policial y miembronan di Frente Sandinista de Liberacion Nacional (FSLN) a substitui de facto e autoridatnan di 5 municipalidat

palidad goberna pa e partido Ciudadanos por la Libertad, CIDH a añadi.

CIDH ta haci yamado na Nicaragua pa “garantisa e separacion y independencia di e podernan publico y reestablece e garantia y libertadnan democratico,” y pa libera “por inmediato e personanan deteni.”

Bolivia: Despues di 15 dia di manifestacion, escasez di alimento y combustibel ta menasa Santa Cruz



(Infobae) – Gobierno di Bolivia Luis Arce conhuntamente cu alcalde nan y gobernadornan di otro departamentonan a habri e diabierna aki un mesa di dialogo pa defini di manera tecnico e fecha di e censo, despues di intentonan di dialogo cu a fracasa.

E escasez di cuminda y com-

bustibel na e localidad Boliviano di Santa Cruz, a isla pa protestanan for di 22 di october, ta alarma e habitantenan mientras cu Gobierno y oposicion ta busca for di diabierna yega na un fecha pa e censo di e poblacion cu a comproba di ta polemico.

“Bo ta bay supermarket y e ta increibel con cosnan a aumenta di prijs mas di 100 pa

200%. Fruta, berdura, aroz, tur ta escaso. E ta increibel con tur prijs a subi,” Sofia Chavez a conta e agencia AFP.

E empleado di hogar di 41 aña a señala cu un di e problemanan principal ta e escasez di combustibel pa transporta alimento for di campo pa e ciudad. Di su parti, Clara Cuellar, di 43 aña ta considera cu “e productonan di



e canastanan familiar y gasolin no ta yega mas, e ta culpa practicamente di gobierno.”

E planta procesador di combustibel no por despacha gasolin y diesel den e trucknan cu ta distribui esaki, pa causa di e blokeonan riba carretera. Na e luganan unda cu diesel y gasolin a caba, tin rijnan sumamente grandi den espera di algun combustibel cu lo bira disponibel, AFP a reporta.

E Ministerio di Economia a bisa diabierna aki cu e perdida economico, pa causa di e protesta a yega un total di 503,7 miyon dollar caba.

Dia 22 di october un welga a cuminsa na Santa Cruz, cual a cuminsa cu protesta cu principalmente blokeo di carretera, pa exige gobierno iskierdista di president Luis Arce pa adelanta e censo den plan pa aña 2024 y haci esaki na 2023.

Republica Dominicana: Ta mira mercado interesante di turista discapacita

(DiarioLibre) – Autoridadnan di turismo na Republica Dominicana ta mustrandó gran interes den mercado di turista cu algun discapacidad cu ta requeri cierto trato special. Na mundo lo tin alrededor di 1.000 miyon persona cu cierto discapacidad, un oportunidad grandi pa e pais desaroya “turismo accesible”.

“Solamente den mercado di Estadonan Uni, turismo accesible ta representa mas di 30.000 miyon dollar pa aña y esey ta den e mercado ey so. Di manera cu e mercado accesible na mundo ta sumamente grande,” Rafael Blanco, presidente di Asociacion Nacional di Hotel y Restaurant di Republica Do-

minicana (Asonahores), ta expresa.

E ta bisa cu turismo accesible tin tres segmento fundamental: persona cu un discapacidad permanente, persona cu un discapacidad temporal y tambe e adultonan mayor.

“Esaki ta un mercado hopi importante cu ta creciendo y un mercado cu nos mester mira di dos punto di vista: e ta financieramente sostenible, pero tambe di e punto di vista humano. Esaki ta cos cu mester haci pasobra e ta moralmente corecto y e ta algo cu nos definitivamente ta apoya,” el a splica.

Di su banda Diego Gonzalez, presidente di Red Iberoamericana de Turismo Accesible,



a bisa cu e poblacion cu discapacidad na mundo ta cerca di 1.000 miyon persona. “No tur persona cu discapacidad ta biaha, pero si solamente 1 % di e personanan cu discapaci-

dad biaha y yega na Republica Dominicana, nos ta papiando di miyones di persona,” Gonzalez a argumenta.

El a señala cu pa probecha e

oportunidad ey, mester facilitá acceso no na hotelnan solamente, sino den transporte, na e actividadnan recreativo, entre otro. “E ta un derecho, pero tambe un oportunidad di mercado pa Republica Dominicana,” Gonzalez a indica. El a splica cu e pais tin practicamente e alohamento regula pa loka ta accesibilidad, pero cu mester traha ainda riba transporte, unda un persona cu rolstoel mester por usa e servicio ey.

“Republica Dominicana ta na caminda pa converti su mes den un di e paisnan cu por garantizaa tur facilidad na persona cu discapacidad y movilidad reduci,” Gonzalez a conclui.

Venezuela: Forzanan arma lo a destrui 34 avion e aña aki

(ElNacional) – Fuentenan oficial di gobierno di Nicolas Maduro a anuncia diasabra pasa cu Forza Arma Nacional Bolivariano (FANB) a destrui 34 avion “vincula na narcotrafico” cu lo a drenta e pais na 2022 te awor.

E avion number 34 a keda destrui na Apure, unda e cuerpo arma ta referi na e avion como perteneciente na “tancol”, un acrónimo inventa pa gobierno Venezolano pa no menciona ningun banda o organizacion delincuente specifico. E ta significa “ter-

roristas armados narcotraficantes colombianos”.

Tambe e fuentenan a bisa cu e caso di e avion number 34 tabata e invasion number 312 di teritorio di e pais pa e aña aki. “Nos espacio geografico no lo ser usa como plataforma di narcotrafico,” asina comandante strategico operacional di FANB, Domingo Hernandez Larez, a skirbi riba su cuenta di Twitter.

Hernandez Larez a informa tambe cu, den otro operativo, autoridadnan a interveni den siete estructura di “explotacion

ilegal”, cu no tabata conta cu registro ni permiso. El a agrega cu a confisca 6 ama corto y un cantidad di herment pa uso den construccion. E materialnan lo tabata pertenece na un grupo criminal yama ‘Las 3R’. E funcionario no a detaya den cual estado e operativo aki a tuma lugar, ni tampoco a divulga informacion tocante eventual persona deteni.

Dia 28 di october recién pasa, Hernandez Larez a informa cu Forza Arma a “inutiliza” e aña aki 44 pista di aterizaje, vincula na narcotrafico, “pre-



para pa gruponan tancol”, na estado Zulia. Gobierno di Nicolas Maduro ultimamente ta poniendo hopi énfasis riba su esfuerzonan pa combati narcotrafico, mientras pa hopi aña tabatin prueba con-

tundente di permiti e gruponan guerrillero Colombiano involucra den narcotrafico di usa teritorio Venezolano den nan operacion internacional.

Venezuela: Prueba di militarnan den crimen contra humanidad

(LaPatilla/Infobae) – Un grupo di investigador di Clooney Foundation for Justice (CFJ) a descubri cu den e caso Venezolano, denuncia na Corte Penal Internacional, tin elemento claro di un patron sistematico cu lo a demostra e responsabilidad den crimenan contra humanidad di diesun funcionario di Direccion General di Contrainteligencia Militar (Dgcm).

E informe a keda presenta dia 31 di october na Corte Penal Internacional (CPI), segun un gerente senior di e programa “The Docket”, Ignacio

Jovtis, a bisa Infobae. Jovtis a dirigi e investigacion encuanto Venezuela.

E fundacion tin como cofundador e actor George Clooney, ken a declara recientemente cu “e mision ta pa logra husticia den un mundo unda derecho humano ta protegi y cu ningun persona ta riba ley”. E fundacion cu ta carga su nomber hunto cu e ONG Venezolano Foro Penal a haci e investigacion durante dos aña.

Segun Jovtis, a entrevista extensamente mas di 50 persona, incluyendo victima directo y nan famia, abogado,



periodista y ex-miembro di husticia Venezolano.

Encuanto e militarnan identifica como culpable di tortua y otro violencia contra preso, Jovtis riba pregunta di Infobae ta bisa cu nan no por di-

vulga nomber di e personanan involvi den e crimenan, ni tampoco di victima y nan famia. E ultimonan a pidi pa no divulga nan identidad ni di e actornan delictivo. E motibo pa no divulga identidad di e esnan involvi ta pa segur-

idad di e famianan y pasobra e informe a bay pa CPI, cu recientemente a anuncia cu ta bay continua cu e investigacion di e hechonan denuncia. Loke si a bisa cu e diesun agentenan ta di diferente rango, di ken ta kere cu tin suficiente prueba pa Fiscalia di CPI por sigui investiga pa determina nan culpabilidad penal.

Importante pa e informe actual tabata establece e patronnan di actuacion den e delitonan, unda ta detecta cierto sistema, comparando varios diferente caso, di persona cu no tabata conoce otro, unda e mesun forma di opera di e militarnan ta bin dilanti.

Cantante Aaron Carter haya morto

(TMZ) – Aaron Carter su morto a bini cu un situacion caotico dentro di su cas na Los Angeles ora cu su empleado a ser scucha ta grita riba telefon cu emergencia despues di a descubri su curpa.

E operador di 911 a bisa den e audio cu unidannan di bombero y paramedico tabata necesario na Aaron su cas despues cu un muhe a yama “gritando” y a haci un referencia na e baño.”

Pa ora cu paramediconan a yega na e escena, Aaron ya caba tabata morto. Autoridadnan no a publica un causa oficial pa su morto, sinembargo e autoridadnan a conta TMZ cu cuerpo policial lo haci un buskeda profundo den su uso di droga den pasado.

Investigadornan a ser mira ta saca Aaron su curpa for di e cas y hincando esaki dentro di un truck yama “Coroner.” TMZ a publica anterior-



mente e fayecimento di Aaron Carter, despues cu cuerpo policial a responde na su cas na Lancaster despues di a ricibi un yamada di 911 diasabra cu un hende homber a hoga den baño.

Aaron su pareha, Melanie Carter, a expresa na TMZ “Mi pareha Aaron Carter a fayece. Mi ta stima Aaron cu henter mi curason y e lo ta un desafio pa cria nos yiu sin su

tata. Mi ta pidi respet na e privacidad di mi famia mientras cu nos ta lidia cu e perdida di un persona cu nos ta stima. Te ainda nos ta den e proceso di acepta e perdida aki. Boso pensamentonan y oracionnan ta grandemente aprecia.”

Aaron a subi fama den fin di aña 1990 como cantante di genero Pop, lansando 4 album cuminsando cu e album di su debut den aña 1997



Proskuneo NL ta bay lansa su di dos EP titula “SPERANSA”

Algun luna pasa Proskuneo NL a lansa su prome EP titula “The One”. Esaki seguramente tabata di gran bendicion pa hopi hende.

Y awor Proskuneo NL ta cla pa nan di dos EP cual lo ser lansa dia 26 di october 2022. Un EP cu cancionnan cu lo trece goso, pas y speransa pa cada uno. Cancionnan

cu diferente ritmonan gososo manera ritmo combina, zouk, bolero, salsa y zouk.

E prome cancion titula “Hesus” a ser composita y aregla pa Chanté Richardson y Wilmar Mook y interpreta pa Chanté Richardson.

E di dos cancion titula “Speransa” a ser composita pa pastor Chesron Richardson,





aregla dor di Wilmar Mook, interpretá pa Chanté Richardson y pastor Chesron Richardson. E di tres cancion a ser composita y interpreta pa Solange Pietersz Camelia y ta titula “Poderoso Dios”. E cancion a ser aregla door di Jeanine Richardson. E ultimo cancion titula “Su binida” ta uno cual a ser composita y aregla pa Clifton Hariquez y intrepeta pa pastor Chesron Richardson.

E EP aki siguramente lo ta uno diferente y cu lo ta di gran bendicion pa un y tur. Esaki nan lo ta cancionnan cu lo trece pas den tormenta, speransa caminda no tin speransa y goso caminda tin tristesa. Esaki ta nos conviccion y oracion.

Proskuneo NL su meta ta pa sigui halsa e Rey y Salvador Cristo Hesus traves di musica. Pa keda na altura di e lansa-

mento di e EP binidero titula “SPERANSA” y otro cancionnan bo por bishita nos pagina social di instagram (proskuneonl), Facebook (proskuneonl y Howhulanda). y tambe Youtube: How Hulanda.

Pa pregunta of mas informacion por tuma contacto cu nos via nos e-mail adres: Proskuneonl@gmail.com of na nos number di telefon: +31 6 1319 54 98.

**Results of the
Government of Aruba**

Treasury Bills issue: Afl. 20,000,000.00
November 4, 2022 – February 3, 2023

Issuance pursuant to the State Ordinance on Treasury Paper (AB 1987 no. 3), State Decree Treasury Paper (AB 1988 no. 6), and the State Decree no. 1 of September 23, 2022.

The Centrale Bank van Aruba hereby informs that the Treasury Bills issue of November 4, 2022 for the amount of Afl. 20,000,000.00 with a maturity of three (3) months has been fully subscribed. The average discount yield of the Treasury Bills issue of November 4, 2022 is 0.40 percent.

Aruba, November 7, 2022
Centrale Bank van Aruba

E. Biemans, G.M. Case y Bucuti & Tara ta creando un parke pa preserva naturalesa di Aruba

Un regalo pa Aruba den honor di Bucuti & Tara su aniversario di 35 aña

EAGLE BEACH, Aruba – Nov. 7, 2022 – Ta birando mas y mas dificil pa haya areanan no urbanisa na Noord, pero esey ta bai cambia pronto danki na Ewald Biemans, Grete Marie (Ree) Case, y Bucuti & Tara. Hunto nan a sponsor y doneer aproximadamente 12 hectar di tereno cu lo wordo protehi como un reserva natural pa publico y futuro generacion di Aruba por disfruta.



Preservando Aruba Pa Aruba

Como un di e ultimo propiedadnan priva den Noord cu no a wordo desaroya, e reserva natural/parke ta cuminsa dilanti di Imeldahof, ta pasa dilanti e Misa di Noord y ta extende ful te cu Scol Basico Washington. E terenan tin enorme balor, y enbes di desaroya proyectonan di hotel, condos of restaurant, Biemans, Case y Bucuti & Tara a bini hunto pa sponsor y doneer nan propiedadnan pa nan por wordo protehi pa semper. Asina naturalesa no ta continua di wordo destrui y e comunidad di Aruba por disfruta di un parke yena di Aruba su flora y fauna nativo den e area di Noord.

The Bucuti & Tara Nature Preserve

The Bucuti & Tara Nature Preserve ta tereno protehi. Vehiculonan motorisa di cualkier tipo ta prohibi. E parke ta cas na un gran number di e 280 especie di paharito, cu ta inclui Wara Wara, Shoco, Prikichi, y otro animalnan nativo. Eventualmente, residente y turista lo por bishita e reserva cu lo tin areanan trankilo pa cana, core of sinta.

E parke su anuncio ta coincidi cu e aniversario di 35 aña di Biemans su Bucuti & Tara Beach Resort na Eagle Beach. Pa conmemora e aniversa-



rio, Bucuti & Tara ta reflexionando riba su historia. Biemans ta corda con hopi naturalesa tawatin na Aruba ora e la muda 60 aña pasa. Cu e boom den turismo cu a resulta den su compromiso pa protehe Aruba su beyesa y naturalesa, e la converti Bucuti & Tara den un di e hotelnan di mas eco-certifica na mundo.

Un historia di conservacion y proteccion di nos medio ambiente

Biemans a establece e Comite di Medio Ambiente di AHATA (Aruba Hotel & Tourism Environmental Committee) y a cuminsa un programa yama Sponsor-Un-Miya (Sponsor-a-Mile) 30 aña pasa. E ta continua di introduci programanan di certificacion ecologico cu ta yuda otro hotelnan na Aruba cuminsa cu nan mes un procesonan di certificacion. Entre su iniciativanan mas aprecia ta su dedicacion na siña studiantenan jong con pa cuminsa cu nan mesun proyectonan empresarial y iniciativanan eco-friendly, dunando lecturanan na Universidad di Aruba, y invitando researchers, coleganan den sector turistico y studiantenan pa siña mas tocante e programa medio ambiental di e hotel. Ademá di esey, na Bucuti & Tara e ta fundamental pa solamente recomienda y incentiva huespednan pa conoce nos isla den un manera cu no ta destrui naturalesa, por ehempel door di haci excursionnan di naturalesa den Parke Arikok, enbes di haci tournan riba atvs of utvs.

E hotel ta bai continua cu su iniciativanan ecologico door di yuda reforesta e parke cu nan a yuda funda. Un di e proyectonan plania ta pa planta 35 mata indigeno den honor di Bucuti su

35 aña di existencia. “Como e prome y unico hotel certifica Carbon Neutral den Caribe, awo nos trabou ta cuminsa pa cuminsa reforesta e terenan cu matanan indigeno y traha camindanan natural y no invasivo pa hende por cana, core of sinta den parke. Den futuro, Aruba su poblacion lo por disfruta di The Bucuti & Tara Nature Preserve, cu lo wordo conoci como The Bucuti Tara - GMC Park,” Ewald Biemans, doño/CEO di Bucuti & Tara Beach Resort, ta conta. “Bucuti & Tara su aniversario ta duna nos un oportunidad pa reconoce 35 aña di impactonan positivo na Aruba su comunidad y economia. Nos ta desea di continua nos historia door di preserva Aruba su naturalesa precioso y delicado.”

Pa haya sa mas bishita www.bucuti.com.

Photo credit: Bucuti & Tara Beach Resort, Aruba.



Apartamento na Palm Beach a pega na candela

Diadomingo den careda di 12or di marduga habitante di Palm Beach a bati alarma na autoridad cu tin candela den un apartamento pega cu un cas.

Di biaha a despacha unidad di brandweer y polis pa e sitio. Patruxa di Noord cu a yega di biaha a constata cu di berdad tin huma ta saliendo for di e apartamento y tabata den parti di e camber.

Bomberonan a presenta di biaha na e sitio y drenta accion, a saca un corchon cu tabata full kima door di e candela.

Polis a papia cu e habitante y tuma dato.

Bomberonan a controla full e apartamento wak kico por a causa e candela.



Bari a pega candela bao garashi di cas na Boegoeroei

Diabierna anochi señora sinta paden di cas a haya holo di candela y ora a sali wak tabata un candela grandi bao di garashi di cas na Boegoeroei, y na grito tabata pidi ayudo. Bisiñanan tambe a sali pa duna un man.

Polis y brandweer a keda dirigi, ya e hendenan a logra di saca algun haula cu parha aden evita nan stik cu huma. Bomberonan a combati e candela den e bari, y e señora no sa kico por a causa cu esaki a pega candela. Polis a tuma dato for di e habitante.



Grupo di delegado di islanan den region a bishita proyecto agrario



Weekend ultimo, un grupo di delegado di diferente isla den nos region a haci un bishita na dos proyecto agrario di Santa Rosa, cual ta Petite Greens y 297Farm.

Aki nan a ricibi informacion di kico tur ta e posibilidadnan pa planta riba nos isla como tambe kico ta e sistemanan cu actualmente ta practicando. Departamento di Agricultura, Cria y Pesca di Aruba, Santa Rosa a comparti imagen di e encuentro aki riba nan pagina di Facebook.

Skirbi pa Robert Arends

Claro cu por, ta di nos nan ta

Si conta e cantidad di clientenan registra cu tin cu paga Gobierno y tur e companianan di Gobierno hunto, Aruba ta yega na un cantidad di cliente y di transaccionnan cu merece di wordo maneja/administra - cu menos gasto - pa UN INSTANCIA so !

E INSTANCIA ey su unico tarea mester ta, cobra tur loke Gobierno y companianan di Gobierno manda cobra nan clientenan y pasa e placa pa e Departamento di Gobierno y e Compania di Gobierno concerni. NADA MAS !

Tur Departamento y Compania di Gobierno ta djis sigui traha nan recibo manda pa cliente paga. NADA OTRO !

Cobramento ta bira responsabilidad di e unico INSTANCIA encarga cu cobramento pa tur Departamento y Compania di Gobierno.

Ta difícil pa logra den un logra, pesey e Departamento y/o Compania nan di Gobierno mester bin cu un grupo di trabou pa prepara y pasa - poco poco - e cobramento den man di un instancia. Pa loke ta Gobierno por cuminsa saca cobramento for

Opinion ta un seccion di Bon Dia Aruba specialmente pa brinda oportunidad na lectornan individual pa expone nan opinion. Contenido publica di ningun manera ta refleha opinion di Bon Dia Aruba y ta pa responsabilidad exclusivo di e organizacion/individuo cu ta ofrece esaki pa publicacion. Bon Dia Aruba ta reserva e derecho di no publica texto ofreci, si esaki segun e medio no ta cuadra cu e normanan di decencia cu nos ta mantene, pa evita contenido cu ta innecesariamente ofensivo. Esaki suheto na evaluacion exclusivo di Bon Dia Aruba.

di responsabilidad di DIMP o otro departamento y bin cu UN instancia SG so, los di tur otro departamento, pa cobra tur cos pa tur Departamento di Gobierno.

E companianan di Gobierno tambe por haci mescos y pasa tur cobramento den man di un instancia (cu nan mes por lanta).

Despues di suficiente experiencia y adaptacion por pensa - si practica demostra bentaha - pone tur cobramento di tur Departamento y di tur Compania nan di Gobierno hunto den man di UN INSTANCIA SO.

Resultado :

- miho resultado den cobramento, pasobra ta logra separacion di trabou, ora laga un otro instancia specialisa cobra ;

- miho registracion y raportahe di loke no ta paga y cua persona o instancia merece ayuda financiero ;
- menos gasto y menos presion cu cobramento ora sa en total kico mester cobra y

ki ora, di moda cu por planea y duna suficiente tempo pa paga cu arreglo di pago bon planea ;
- miho bista riba legalidad y ilegalidad ;
- etc etc etc.



Skirbi pa Robert Arends

Serie di comentario

Papel di Censo
Lesando di e papel di 5 florin di Censo Aruba (cu no a bira 10 florin), ta presenta un bon oportunidad pa pidi Gobierno/Parlamento reconsidera e situacion.

Pakico?
Pasobra - den opinion publico - e gastonan di Censo pa produci/cobra/entrega e papel ta mucho mucho mas halto cu e 5 florin.

Pesey mester investiga si no ta salí Gobierno mas economico (menos gasto pa produci/cobra/entrega cu actualmente), ora Censo entrega (vía electronico y den cantidad limita di uno pa cada persona pa aña) e famoso papel ey POR NADA.

No mester lubida cu nos tur ta paga impuesto/belasting di un o otro forma cu ya mester cubri gasto y funcionamiento di Censo como servicio basico obligatorio.

Parlamento
Aparentemente Parlamento a acepta un ley cu ta toca "Raad van Advies" di Aruba.

Preguntanan :
"Raad van Advies" por funciona independiente di Gobierno awor ? Cu propio "begroting" y entrada ?
"Raad van Advies" ta traha pa Gobierno so o tambe pa Parlamento ?
"Raad van Advies" ta autorisa pa entrega keho contra Minister, ora Minister actua contra ley ?

Kico "Raad van Advies" por
haci ora Gobierno y Parlamento bay contra conseho di "Raad van Advies" sin motiva nan decision ? Nada ?

Solucion
Ta sigui busca solucion : delegacion no a logra na Venezuela, no a logra na Washington USA ; no a logra na Ecuador ; awor delegacion ta bay pa QATAR pa weganan mundial di futbol ?

Preguntanan
1. Di con Parlamento di Aruba mester controla y aproba Presupuesto di País Aruba, pero no tin NADA - repiti NADA - di bisa di presupuesto di Companianan y otro entidadnan di Gobierno ?

2. Di con Gobierno no por maneja for di Aruba mes tur loke, tambe e cuenta bancario, cu awor aki ta wordo maneja pa "Arubahuis" na Hulanda, mientras tin yen di posibilidad di comunicacion directo y moderno (tambe bancario) entre Hulanda y Aruba ?

3. Di con no por bin cu ley nan cu ta prohibi haci negoshi cu propiedad/tereno di Gobierno di Aruba ? Mester por usa (no compra) tereno di Gobierno - bou cierto condicionnan - contra pago durante un tempo definí. E tereno mester keda semper di Gobierno y no ta permiti haci negoshi cu tereno di Gobierno.



Fundacion Guia Mi ta un fundacion cu ta encarga cu custodia di menornan y custodia di famia.

Nos ta busca

1 TRAHADOR SOCIAL CU:

- tin bon habilidadnan di comunicacion
- ta domina Hulandes y Papiamentu por escrito y verbal
- por traha un plan di trabou independiente y por ehecut'e
- preferiblemente tin experiencia riba e tereno di trabou di proteccion di mucha
- por traha independiente
- tin diploma "maatschappelijk werk" riba nivel di H.B.O. of un otro diploma equivalente
- tin rijbewijs y transportacion propio

Tareanan ta:

- duna guia na muchanan/hobennan di cual e Fundacion tin e custodia
- fungi como "gezinsvoogd" di muchanan/hobennan cu Juez a pone bou di un medida hudicial
- duna guia na mayornan di e muchanan/hobennan cu ta cai bou encargo di e Fundacion
- duna guia na famianan di criansa
- raporta periodicamente na Hues encunto guia di e muchanan/hobennan
- asisti na casonan den corte
- mantene contacto cu diferente instancia cu ta traha riba e tereno di proteccion di mucha

Nos ta ofrece:

- salario y condicionnan secundario di trabou faborabel
- bon condicion di trabou

Pa mas informacion por tuma contacto cu Anneke Nicolaas-Lucas na tel. 5820088/5820089 of na fundacionguiami@setarnet.aw

Esnan interesa por manda nan carta di solicitud hunto cu nan curriculum vitae y copia di diplomanan, dentro di 2 siman na: Directiva di Fundacion Guia Mi, G. Madurostraat 34, Oranjestad.

Mas di 300,000 vehiculo electrico na Hulanda

(NLTimes) – Aunke vehiculonan electrico ta solamente un porcentahe chikito di e vehiculonan na Hulanda, nan ta rapidamente generando popularidad. Den e prome 9 luna di aña 2022, casi 21 porciento di e vehiculonan bendi tabata liber di emision, segun De Volkskrant.

Na Hulanda, solamente 3.3 porciento di e cantidad total di vehiculo actualmente ta electrico. Esaki ta un poco mas di 300,000 vehiculo.

Sinembargo, 2022 a mira e aumento mas grandi den benta di vehiculonan liber di emision, segun De Volkskrant.

Almere ta e municipalidad unda tin un porcentahe mas halto di vehiculo electrico na 15 porciento, sigui pa Hout, Breda, Amersfoort y Tynaarlo. Un splicacion pa esaki pro ta cu tin agencianan grandi cu sucursal den e municipalidad, segun De Volkskrant. Vlieland, Pekela y Westerwolde tabata e municipalidadnan cu e cantidad mas chikito di

vehiculonan electrico na menos di 1 porciento.

Vehiculonan combina ta un poco menos popular, sinembargo tambe nan a mira un aumento den benta den añanan recién. Den aña 2022, te cu awo, e autonan combina a constitui 12 porciento di e vehiculonan bendi.

Desde aña 2035, tur vehiculo bendi den e Union Europeo lo mester ta liber di emision y motor di combustion lo keda prohibi.



Mayoria den parlamento kier pa usarionan Hulandes di TikTok su data proteha for di China

(NLTimes) – Mayoria den Tweede Kamer ta kere cu e Gabinete mester preveni cu data personal di usarionan Hulandes di TikTok lo termina den man di gobierno Chino.

Miembronan di parlamento a responde na reprotahenan for di NOS bisando cu TikTok su politica di privacidad a ser ahusta, y cu como resultado di esaki, empleadonan di e red social Chino y plataforma di video lo tin acceso na data di usarionan Europeo.

Parlamentarionan di D66, GroenLinks, PvdA, DENK,



ChristenUnie, PVV, Volt, CDA, SP y VVD a entrega preguntanan tocante TikTok su politica di privacidad nobo na Minister di Asuntonan Economico Micky

Adriaansens y Alexandra van Huffelen, e secretario di estado encarga cu e politica di digitalisacion. E plataforma di red social ta di un compania Chino, y e parlamentari-

onan tin preocupacion cu e empleadonan cu conexion na Gobierno por tin acceso na data personal di usarionan Hulandes.

Hind Dekker-Abdulaziz di D66 tin preocupacion cu e informacion aki lo ser usa pa gobierno Chino pa crea perfilnan psicologico di usarionan, y cu ningun transparencia tocante kico lo pasa cu e data aki of e perfilnan. “Milyones di usuario Hulandes ta usa TikTok, hopi di cual ta menornan,” el a expresa.

Parlamentarionan cu a bini dilanti cu e preocupacionnan y preguntanan ta kere cu Gabinete mester tuma accion. Tambe nan a urgi Comision Europeo pa interveni den esaki.

Varios empleado di Twitter na Hulanda afecta pa retiro di empleado en masse

(NLTimes) – Twitter a kita centenares di empleado den e compania riba dia-bierna bao e doño nobo Elon Musk. E accion aki a inclui varios empleado cu tabata traha na Hulanda segun ex empleadonan riba Twitter.

Mayoria empleado cu tabata afecta pa esaki a ser notifica via e-mail. Algun di nan a bisa cu nan a realisa cu ya no mas nan lo traha pa e compania ora cu nan no tabata por a drenta nan cuentanan di trabao.

E 50 porciento di e forsa laboral di Twitter a ser retira, parti di Musk su plan anuncia pa e compania. E otro

politicanan ta inclui retira trabao for di cas y introduci un mensualidad di 8 dollar pa simbolo di verificacion segun Forbes.

Segun RTL Nieuws, Twitter tabatin un oficina na Utrecht y te ainda no a responde na pregunta tocante e cantidad di empleado Hulandes cu a ser retira for di nan trabao. Cualquier accion di kita un persona for di trabao lo mester cumpli cu e leyman di labor Europeo. Empleadonan anterior ya caba a entrega un demanda na San Francisco, bisando cu nan no a ricibi un notificacion adecua bao ley federal y di California, segun MSNBC.



Chebet y Lokedi di Kenya ta gana careda di marathon di New York City

(AP) — Kenyaan Evans Chebet y Sharon Lokedi a hala hopi atencion den nan debut di New York City Marathon ayera. Chebet a gana e careda masculino y Lokedi e careda femenino den su prome marathon den un dia inusualmente cayente, haciendo esaki un di e caredanan mas cayente den historia desde cu a cuminsa haci e marathon na november di 1986.

Chebet a caba den 2 ora, 8 minuut y 41 seconde, cual tabata 13 seconde dilanti di Shura Kitata di Etiopia na segundo lugar.

Tabatin un momento terribel den careda masculino na momento cu Daniel do Nascimento, kende tabata liderando henter e rato, a collapse despues di 21 miya. Oficialnan di e careda despues a bisa cu e tabata okay. E Brasileño a core e prome mita di e careda den 1:01.22, loke a pone 2 minuut dilanti di e velocidad record. E tabata liderando pa casi 2 minuut durante e prome 15 miya prome cu el a cuminsa baha velocidad.

Chebet a mira Do Nascimento benta abao y a bisa cu el a “sinti malo p’e, pero mester a



continua cu e careda.” Chebet, 33, a separa di e grupo mientras nan tabata crusa e brug den Manhattan e prome biaha. Despues di collapse di Do Nascimento, Chebet a tuma e liderazgo y no a haya reto pa resto di e ruta.

Pa Lokedi, esaki tabata su prome marathon di su bida

y el a caba den 2:23.23 – tiki dilanti di Lonah Chmptai Salpeter di Israel. Lokedi, 28, tabata den un careda preta prome cu el a logra pasa dilanti di Chemtai Salpeter den e ultimo dos miya pa gana pa siete seconde y caba 50 seconde leu di e record.



Cycling Awareness Ride exitoso cu gran participacion



Diadomingo pa 6’or di mainta a tuma luga e prome “Cycling Awareness Ride” organisa pa Biking Squad Aruba. E recorrido a sali for di ex- Bushiri Hotel unda e ciclistanan a core 50 KM rond di Aruba. Mas di 400

ciclista a participa di mas di 20 diferente ekipo.

Meta di e “Awareness Cycling Ride” ta pa conscientisa automobilistanan como tambe e ciclistanan ora nan ta uza caminda pa ambos ta

consciente di nan seguridad y pa duna otro respet.

Como tambe na doñonan di cacho pa tene nan mascota den cura mirando cu esakinan ta ataca hende riba bicicleta cu tur consecuencia negativo.



Minister di Deporte, Endy Croes tabata presente pa duna inicio y pa participa na e recorrido di conscientisacion.

Concluyendo Mandatario di Deporte ta manda palabranan

di felicitacion na Biking Squad Aruba, na tur cu a participa y IBISA pa organisa e recorrido exitoso.

Danki na DVG y Cuerpo Policial Aruba pa dirigi e trafico formidable.

Bista Politico ta un seccion di **Bon Dia Aruba** specialmente pa brinda oportunidad na tanto partido politico como politico individual pa expone nan opinion. Contenido publica di ningun manera ta refleha opinion di **Bon Dia Aruba** y ta pa responsabilidad exclusivo di e organisacion/individuo cu ta ofrece esaki pa publicacion. **Bon Dia Aruba** ta reserva e derecho di no publica texto ofreci, si esaki segun e medio no ta cuadra cu e normanan di decencia cu nos ta mantene, pa evita contenido cu ta innecesariamente ofensivo. Esaki suheto na evaluacion exclusivo di **Bon Dia Aruba**.

BISTA POLITICO

Parlamentario Alvin Molina (MEP):

Mas celebracion cultural pariba di brug

Hopi hende ta pensa cu cultura ta eventonnan rond di por ehempel Dera Gay, Carnaval y 18 di Maart. Pero cultura ta hopi mas, e ta e forma di biba di hende, cada expresion humano. Esaki ta importante pa sa, pasobra e ta yuda nos realisa cu ya caba nos tin hopi cultura presente na San Nicolas.

Tin musica, artesanía, cuminda, religion, museo y monumento. Na Aruba nos tin e tendencia di no gosa suficiente di tur bendicionnan cu nos tin, incluso nos cultura. Nos tin cu reconoce, aprecia y celebra tur forma di cultura cu nos tin.

Dimes tin hopi espacio pa amplia actividadnan cultural pariba di brug. Den mi opinion mas actividad cultural, lo trece mas hende hunto, trece mas union y ta trece oportunidad pa comercio crece.



Ademas, mas actividad positivo y crecemento economico lo eventualmente resulta den mas seguridad den e barionan.

Dia 4 di april 2022 mi a presenta un mocion pa Gobierno (sigui) inverti den San Nicolas como "Cultural Heritage City". E idea tras di e mocion aki ta pa Gobierno inventarisa cua actividadnan

cultural por wordo organisa pariba di brug (tambe) y yuda promove actividadnan di organisacionnan no gubernamental.

Coleganan Ricky Hoek, Darlaine Guede-Edwards y ami mes a reuni riba e topico aki cu representantenan di Departamento di Cultura y di Enseñansa. Mirando cu e de-



saroyo aki lo rekiri esfuerzonan riba tereno di cultura, infraestructura, social y turismo. Ta esencial pa existi un bon colaboracion entre diferente Ministerio. Nos a palabra cu como Parlamentario nos lo pidi Gobierno atencion pa esaki. Departamento di Cultura lo presenta un concepto con pa desaroya cultura pariba di brug.

Mi ta gradici sr. Siegfried Dumfries, sra. Angeline Maduro, sra. Lisette Maduro y sr. Jose Miguel Donata pa un reunion fructifero y tambe nos Minister di Cultura sra. Xiomara Maduro pa tuma accion mesora pa cu e mocion presenta.

Miguel Mansur (Accion 21):

MEP ta prefera medida riba pueblo luga di medida riba gobierno

E partido bieunan lo purba tur cos pa keda den poder, asina nan por fix nan mes (lesa directeurschap pa parlamentario cu kier retira), parti trabao pa amigo, bisiña, famia, pegado di bandera, yiu di secretaria etc. Mientras nan ta sigui sink e pais cu mas debe y tapa corrupcion, nan integrante y sostenedonan ta purba gaña nan mes cu nan ta actua den beneficio di Aruba.

CAft ta un organo onafhankelijk encarga cu nos supervision financiero, recientemente nan a constata cu gobierno no a cumpli suficiente den BAHASU GASTONAN. Nan a demostra cu gobierno ta usando entrada extra cu a drenta (riba lomba di pueblo) den forma di mas invoerrechten, bbo, accijns etc. debi na prijsnan mas halto pa disimula. Nan a recomenda pa Rijkswindsterraad implementa un medida riba gobierno, no riba pueblo.



Desde 2015 Aruba tin un LAft (Landsverordening Aruba tijdelijk financieel toezicht) cu ta establece cierto norma pa Aruba no bati bancarota. Ora un pais bati bancarota ta nifica cu ambtenaar no por cobra salario, pensionado no por cobra pensioen, cuida medico ta sufri un collapse, enseñansa ta cay den otro paso no tin placa pa e.o. paga docente, produci y suministra awa y coriente ta bira dificil sin placa pa cumpra combustibel etc. Politiconan por bula riba, bula abao, pero ta nos

mesun mal maneho desde 2001 a habri porta pa intervencion di Hulanda.

Cierto parlamentario y partido kier pa boso kere cu gobierno y pueblo ta mescos paso segun nan, ta pueblo mester sirbi gobierno, mundo riba su cabes. E decision tabata sea pone un medida riba gobierno pa baha su gasto of gobierno lo pone mas medida riba pueblo pa hisa su entrada. Rijkswindsterraad a opta pa laga gobierno hisa su entrada door di impone mas medida riba pueblo y Accion

21 a critica esaki. Nos partido semper lo scoge medida riba gobierno prome cu medida riba pueblo!

Awor e 'partido di Status Aparte' kier pa su votadonan pensa cu tabata un atake riba nos autonomia. E unico atake riba nos autonomia ta di esnan cu ta sigui gasta placa cu nos no tin den un manera ineficiente y inefectivo cu ta resulta den medida y mas medida riba nos pueblo. Un maneho sostenibel di finanzas publico ta e miho garantia pa preserva nos Status Aparte y e nacion Arubano. Esnan den Parlamento cu no ta compronde esey mester bay duna pueblo nan placa bek paso nan no ta sirbi.

Den nan desesperacion pa keda relevante nan ta bolbe purba lanta calumnia riba e tres ex-candidatonan cu ya no ta forma parti di nos partido despues di eleccion 2021. Bestuur di Accion 21 tabata den proceso di expulsa uno,

suspende un otro y e di tres tabata riba non-actief boluntario pendiente e resultado di decision di directiva. Ambos persona cu procedemento contra nan tin historia problematico den otro organisacion y incluso otro partidonan cu nan a forma parti di dje. Manera nos a relata den nos comunicado di prensa e tempo ey, Accion 21 semper lo scoge interes general riba interes personal, un concepto aparentemente desconoci pa e partido mas grandi di coalicion. Gabinete Wever-Croes II no por biba cu CAft a desenmascara nan mal maneho y recomienda un aanwijzing pa evita medida riba pueblo. Den un forma deshonesto, cu a bira nan marca politico, e gobierno di gañado kier disfraza nan fayonan como un atake riba nos autonomia. Esnan cu a drenta politica pa mehora nan economia personal y esun di nan famia y amistadnan, ta e berdadero menasa pa Status Aparte y e nacion Arubano.

Bista Politico ta un seccion di **Bon Dia Aruba** specialmente pa brinda oportunidad na tanto partido politico como politico individual pa expone nan opinion. Contenido publica di ningun manera ta refleha opinion di **Bon Dia Aruba** y ta pa responsabilidad exclusivo di e organisacion/individuo cu ta ofrece esaki pa publicacion. **Bon Dia Aruba** ta reserva e derecho di no publica texto ofreci, si esaki segun e medio no ta cuadra cu e normanan di decencia cu nos ta mantene, pa evita contenido cu ta innecesariamente ofensivo. Esaki suheto na evaluacion exclusivo di **Bon Dia Aruba**.

BISTA POLITICO

Parlamentario Hendrik Tevreden (MEP):

Accion 21 awo tambe abogado di CAFT y Gradus

Prome cu carnaval a cuminsa ya mascarada di Mansur a cay. E kier pa Aruba haya aanwijzing y ta reclama te hasta dicon Rijkswinsterraad a laga sr. Gradus cay. Increibel pero berdad, ora cu un parlamentario di nos mes un suela pa afan y poder politico kier pa un pais haya un aanwijzing, mara man di Gobierno actual y tur cu ta sigui y asina crea mas problema pa nos pueblo.

Den un manera simpel splica, e pensamiento di Mansur ta cu desde 1986 tur gobierno a goberna malo. Exigiendo un aanwijzing pa Aruba ta indica e ora cu e ta di opinion cu ta Hulandesnan so lo por goberna nos pais. Di e forma aki Mansur ta demostra cu ta e ta e persona cu tin e solucion facil pa e futuro di Aruba: e mes no lo por goberna tampoco pues duna Hulanda e rienda y laba man. Pues den palabranan concreto, benta Status Aparte afo, corta AZV te den weso sin argumento cu base, desaroya nos pais pero paga nos profesionalnan



menos y manda grupo grandi di ambtenaren cas numa, laga otro bin dicidi riba nos luga paso nos mesun hendenan no ta capacita toch segun e. Esaki ta muestra di e mentalidad corumpi pa poder di sr. Mansur.

Si bo mira bon Accion 21, na salida caba a perde gran

parti di su candidatonan pa motibo di discusion cu Mansur mes. Na caminda hasta Partido MAS a hala stapnan leu di dje. E señalnan aki ta importante pa pueblo paga tino riba nan ora ta trata di scoge su representantenan. Mas ainda Accion 1 a organisa un conferencia pa haya opinion di partidonan

cu no a logra asiento, pa nan duna nan opinion y practicamente e tawata su so den sala. Mas cu bisto ta cu riba nivel di liderazgo, hopi no ta di acuerdo cu Mansur y ta cu nan rason. Pero awor ya e no ta acerca partido chikito mas, pero ta cerca professor Gradus e ta busca aliansa, pushando fuerte pa Aruba haya un aanwijzing.

Gobierno di Aruba den su contesta na sr. Gradus a duna di conoce cu a bin ta trahando riba e consehonan di Caft y Raad van Advies riba Presupuesto 2022 y pa esaki a presenta un Nota di Cambio den Presupuesto 2022. Rijkswinsterraad un organo mas halto den hirarkia cu CAFT, door di no duna un aanwijzing a para na banda di Gobierno di Aruba. Hasta secretario di Estado van Huffelen a hay'e tambe ta bay di acuerdo cu e ponencia di Rijkswinsterraad y a bay di acuerdo pa e aanwijzing wordo bari completamente di mesa pa loke ta 2022. Enbes cu a bini un debate riba con ta bay sigui pa 2023 y con ta sigui crece despues di pandemia,

Mansur a scoge pa atraves di un carta reclama Secretario di Estado van Huffelen dicon a laga sr. Gradus cay y causa daño na CAFT. Wereld op zijn kop. Mansur kier para como abogado di sr. Gradus aki for di Aruba. Bo a bin pa biba aki o hospeda?

Pa un democracia cu no tin ni 40 aña bibo ainda, ta hopi adelanto Aruba a marca. Hopi desaroyo nos hendenan a experencia. Mira con liher nos ta saliendo di pandemia, pasobra nos ta cumpliendo cu e palabracionnan haci y nos ta mantenendo e curso corecto. Di un deficit na aña 2020 di 1028 miyon florin y den apenas tres aña, elimina e deficit aki te na 148 miyon ta resultadonan real, y impresionante. Esaki ta demostra e balor di nos forsa Rubiano, nos resiliencia crioyo, cu nos hendenan mes por, y cu nos no ta ria pa retonan grandi. Si Mansur kier sigui instiga, anto mihor mescos cu Gradus e tambe retira, pasobra nos Rubiano no ta entrega al contrario, nos ta sigui lucha pa Aruba recupera.

Lider di partido Curpa, Eric Ras

Captain the ship is sinking y matroosnan ta bandonando e barco

Salvase quien pueda. Nos minister president a anuncia cu campaña a start y cu partido mep ta stabiel. Dicon anto e matroosnan a cuminsa bula for di e barco di libertad? Probablemente pa scapanan peyeho despues di a scucha lider di mep expresa cu a cuminsa busca cara nobo pa subi lista.

Miembronan di partido mep a expresa caba cu nan lo no regresa riba lista di partido mep y nos por a compronde di medianan di comunicacion cu algun parlamentario di mep kier bira director di cierto departamentonan di gobierno. Mas cu logico cu nan sa cu partido mep lo no forma parti di e proximo

gobierno y e ora nan chance pa bira parlamentario lo bira chiquito paso esnan cu ta minister awe mester haya nan lugar den Parlamento. Partido Raiz cu no kier realisa cu campaña a cuminsa y nan ta manera e grupo cu tabata toca riba titanic e cantica "mas cerca bo" mientras e barco tabata sink.

Mas medida ta na caminda cu aumento di prijs di gas cu 30%. Esaki automaticamente nos lo mire den prijs di cuminda den restaurantnan y otro cosnan. Esnan cu ta bende cuminda, snack y bolo pa asina nan tin un entrada pa tin un miho nivel di bida lo ta bay tin'e mas dificil. Ya caba tin un peso grandi riba nos pueblo pa via di aumen-

to di costo di bida, eigen bijdrage di AZV, prijs di gasoline halto, aumento barbaro di awa y coriente. Ora cuminsa trata e presupuesto 2023 nos lo haya sa ki medida mas gobierno lo kier bin cu'ne pa suta pueblo. Pa corona gobierno ta aumenta BBO cu un 1.5%. Comerciantenan Uni a duna splicacion na placa chiquito efecto cu esaki lo trese cu'ne.

E problemanan ta sigui acumula sin cu tin un solucion na caminda. Alcontrario e problema cu salud mental y problema social ta grandi, no tin placa pa drecha e planta di purificacion na Bubalipilas. Problema financiero den Arubus, Serlimar y Post NV sin papia mes di nos carret-

eranan cu ta den mal estado. Riba dje kier cerra cas di nos grandinan Saba.

Gobierno ta carese di un vision y no tin un maneho pa locual cu Aruba mester prepara pa enfrente. Tur caminda ta papia di scarsedad di alimento cu lo tin mundialmente y aki na Aruba nos gobierno ta sinta man crusa. Dios no laga cu bin un guerra na medio oriente paso esaki lo hasi cu lo bay tin aumento barbaro den prijs di crudo. Na Merca caba tin papia cu pa Thanks Giving (24 di November 2022) tin estado cu lo no tin gasoil of diesel.

Nos tin un gobierno cu a cerra tur oido pa pueblo di

Aruba y nunca tabata tin e bienestar di nos pueblo na pecho. Un partido cu su plan di gobernacion ta medida. Un gobierno cu ta pusha e metanan di desaroyo sostenibel Agenda 2030. Un agenda diabolico cu ta bay contra tur leyman di Dios. Pueblo di Aruba no tin otro caminda sino di busca Dios paso solamente Dios lo por guia nos den e proceso aki. Si nos kier mira un cambio y progreso den e tempo aki mester busca Dios di curason. A keda demostra y nos ta bibe tur dia cu un gobierno sin Dios ta un gobierno inhusto. Solamente esnan cu tin temor di Dios den nan bida lo por trese e cambio riba e isla aki. Ora e husto ta goberna e pueblo ta prospera.

Kids & Teens Christmas Song Festival 2022

Mayan diasabra 05 di November Cas di Cultura ta bisti di gala pa celebra e di 10 edicion di Kids & Teens Christmas Song Festival 2022. Tur cos ta cla pa mayan atardi den Cas di Cultura nos bisti di gala y celebra e di 10 edicion di Kids & Teens Christmas Song Festival cu un total di 30 participante di cual tin 2 duo.

E aña aki Kids & Teens Christmas Song Festival ta celebrando su di 10 y ultimo edicion di e festival di Pasco na Aruba pa mucha y hoben. Manera tur aña por tuma 30 participante, 10 participante den cada categoria cu cancionnan di pasco na Papiamento.

E aña aki e di 10 edicion di Kids & Teens Christmas Song Festival lo ser dedica

na KATATUMBO pa nan aporte y dedicacion na e temporada dushi di fin di aña pa hopi aña y pa celebra esaki engrande lo tin un solo presentacion di Katatumbo mayan den Cas di Cultura.

Tur participante ta wordo acompaña pa e mesun All Star Band di e festival bao encargo di Sr. Danny Koolman.

Tin 3 categoria cual ta:
04 pa 07 aña
08 pa 11 aña
12 pa 17 aña.

Un atardi cu ta priminti di kibra tur expectativa unda e talent di nos muchanan lo resalta. Nos tin cu menciona cu hopi cantante hoben cu ta participando y destacando den festivalnan nacional manera entre otro den Festival di un canto na nos Himno y Bandera, Festival di Dande

y otro festivalnan, ta cantantenan cu a debuta pa promebiaha den Kids & Teens Christmas Song Festival.

Un danki grandi ta bai na Aruba Bank, Prins Bernhard Cultuursfonds Caribisch Gebied, Setar N.V., Departamento di Cultura cu ta hasi e tremendo festival aki posibel y na tur comerciante cu ta juda cu premionan y cos dushi pa tur nos participantenan.



Diadomingo ta e final di Princess-, Little y Pre Teen Beauty Aruba 2022

Riba e escenario di Cas di Cultura, fundacion Cas Princesa Aruba ta tene su certamen final pa aña 2022.

Despues di un programa ex-































































































tenso y educativo e ultimo 2 lunannan, Cas Princesa Aruba ta orguyoso y ta invita Aruba pa presencia e di 10 edicion di Princess Beauty, Little Beauty y Pre Teen Beauty 2022. E programa cu



tawatin anochi di talento, scavengers hunt na Ayo Rock formations y anochi di regalo y amistad, tawata masha dushi pa e participantenan.

E candidatanan di e aña aki ta categoria Princess Beauty Carly- Yenne Maduro, R- Angelle Sneek, Adriana de los Santos Lantigua y Leyni Boekhoudt.

Categoria Little Beauty Thaeeli Geerman y Elise Heronimo. Pre Teen Beauty tin 4 candidata cu ta Maya Gordon, Mia Mc Collum, Sharily Boekhoudt y Qiana Felomina. E fecha ta diadomingo 6 di november 2022 y e luga ta Cas di Cultura. MC ta Addonsito Croes. Pa tickets por yama 7399449. Tambe por cumpira entrada na porta.

Resultado Sorteo november 5 y 6, 2022																																							
Cadena Alexander Lottery ta presenta resultado di weganan di suerte																																							
<table><tr><th>DIARIO</th><th>KORSOU</th><th>SUPER4</th><th>FLAMINGO</th></tr><tr><td>4493</td><td>7117</td><td>6266</td><td>2790</td></tr><tr><td>1180</td><td>1208</td><td>SUPER5</td><td>9531</td></tr><tr><td>6223</td><td>0475</td><td>-</td><td>5525</td></tr></table>		DIARIO	KORSOU	SUPER4	FLAMINGO	4493	7117	6266	2790	1180	1208	SUPER5	9531	6223	0475	-	5525	<table><tr><th colspan="4">DIADOMINGO</th></tr><tr><th>DIARIO</th><th>KORSOU</th><th>SUPER4</th><th>FLAMINGO</th></tr><tr><td>9548</td><td>9816</td><td>6412</td><td>7924</td></tr><tr><td>0740</td><td>1531</td><td>SUPER5</td><td>4627</td></tr><tr><td>1188</td><td>2116</td><td>31828</td><td>6988</td></tr></table>		DIADOMINGO				DIARIO	KORSOU	SUPER4	FLAMINGO	9548	9816	6412	7924	0740	1531	SUPER5	4627	1188	2116	31828	6988
DIARIO	KORSOU	SUPER4	FLAMINGO																																				
4493	7117	6266	2790																																				
1180	1208	SUPER5	9531																																				
6223	0475	-	5525																																				
DIADOMINGO																																							
DIARIO	KORSOU	SUPER4	FLAMINGO																																				
9548	9816	6412	7924																																				
0740	1531	SUPER5	4627																																				
1188	2116	31828	6988																																				
<table><tr><th colspan="2">MERDIA</th></tr><tr><td> Sorteo # 3731 9194 8953 9307  X3  Sorteo # 3731 5123  Sorteo # 1787 2023  Sorteo # 3731 6459 Leo  Sorteo # 605 969  Leo</td><td> Sorteo # 7785 2669 5757 9628  X2  Sorteo # 6829 9274  Sorteo # 1534 6951  Sorteo # 5588 9870 Cancer  Sorteo # 518 629  FP</td></tr></table>		MERDIA		 Sorteo # 3731 9194 8953 9307  X3  Sorteo # 3731 5123  Sorteo # 1787 2023  Sorteo # 3731 6459 Leo  Sorteo # 605 969  Leo	 Sorteo # 7785 2669 5757 9628  X2  Sorteo # 6829 9274  Sorteo # 1534 6951  Sorteo # 5588 9870 Cancer  Sorteo # 518 629  FP	<table><tr><th colspan="2">ANOCHI</th></tr><tr><td> Sorteo # 2334 1 x Jackpot 0 x Match 4+ 3 x match 4 142 x Afl. 12,00</td><td>02-14-16-19-24 Joker 31 Letter G Proximo Jackpot 100.000,-</td></tr><tr><td> Sorteo # 5937 0 x Jackpot 7 x Match 4 116 x Afl. 8,00</td><td>09-12-17-22-25 Proximo Jackpot 51.000,-</td></tr><tr><td> Sorteo # 0 x Jackpot 0 x match 4 0 x Afl. 500,00 0 x Afl. 50,00 0 x Afl. 15,00</td><td>Mega Ball Proximo Jackpot 280.000,- Afl. 380.000,-</td></tr><tr><td> Sorteo #</td><td></td></tr></table>		ANOCHI		 Sorteo # 2334 1 x Jackpot 0 x Match 4+ 3 x match 4 142 x Afl. 12,00	02-14-16-19-24 Joker 31 Letter G Proximo Jackpot 100.000,-	 Sorteo # 5937 0 x Jackpot 7 x Match 4 116 x Afl. 8,00	09-12-17-22-25 Proximo Jackpot 51.000,-	 Sorteo # 0 x Jackpot 0 x match 4 0 x Afl. 500,00 0 x Afl. 50,00 0 x Afl. 15,00	Mega Ball Proximo Jackpot 280.000,- Afl. 380.000,-	 Sorteo #		<table><tr><th colspan="2">DIADOMINGO MERDIA</th></tr><tr><td> Sorteo # 3732 2756 7808 2718  X3  Sorteo # 3732 2837  Sorteo # 1788 4370  Sorteo # 3732 5880 Aquario  Sorteo # 606 847  FP</td><td> Sorteo # 0 x Jackpot 0 x Match 4+ 0 x match 4 0 x Afl. 12,00 100.000,-  Sorteo # 5938 0 x Jackpot 4 x Match 4 119 x Afl. 8,00 52.000,-  Sorteo # 0 x Jackpot 0 x match 4 0 x Afl. 500,00 0 x Afl. 50,00 0 x Afl. 15,00 280.000,- Afl. 100.000,-  Sorteo # </td></tr></table>		DIADOMINGO MERDIA		 Sorteo # 3732 2756 7808 2718  X3  Sorteo # 3732 2837  Sorteo # 1788 4370  Sorteo # 3732 5880 Aquario  Sorteo # 606 847  FP	 Sorteo # 0 x Jackpot 0 x Match 4+ 0 x match 4 0 x Afl. 12,00 100.000,-  Sorteo # 5938 0 x Jackpot 4 x Match 4 119 x Afl. 8,00 52.000,-  Sorteo # 0 x Jackpot 0 x match 4 0 x Afl. 500,00 0 x Afl. 50,00 0 x Afl. 15,00 280.000,- Afl. 100.000,-  Sorteo # 																
MERDIA																																							
 Sorteo # 3731 9194 8953 9307  X3  Sorteo # 3731 5123  Sorteo # 1787 2023  Sorteo # 3731 6459 Leo  Sorteo # 605 969  Leo	 Sorteo # 7785 2669 5757 9628  X2  Sorteo # 6829 9274  Sorteo # 1534 6951  Sorteo # 5588 9870 Cancer  Sorteo # 518 629  FP																																						
ANOCHI																																							
 Sorteo # 2334 1 x Jackpot 0 x Match 4+ 3 x match 4 142 x Afl. 12,00	02-14-16-19-24 Joker 31 Letter G Proximo Jackpot 100.000,-																																						
 Sorteo # 5937 0 x Jackpot 7 x Match 4 116 x Afl. 8,00	09-12-17-22-25 Proximo Jackpot 51.000,-																																						
 Sorteo # 0 x Jackpot 0 x match 4 0 x Afl. 500,00 0 x Afl. 50,00 0 x Afl. 15,00	Mega Ball Proximo Jackpot 280.000,- Afl. 380.000,-																																						
 Sorteo #																																							
DIADOMINGO MERDIA																																							
 Sorteo # 3732 2756 7808 2718  X3  Sorteo # 3732 2837  Sorteo # 1788 4370  Sorteo # 3732 5880 Aquario  Sorteo # 606 847  FP	 Sorteo # 0 x Jackpot 0 x Match 4+ 0 x match 4 0 x Afl. 12,00 100.000,-  Sorteo # 5938 0 x Jackpot 4 x Match 4 119 x Afl. 8,00 52.000,-  Sorteo # 0 x Jackpot 0 x match 4 0 x Afl. 500,00 0 x Afl. 50,00 0 x Afl. 15,00 280.000,- Afl. 100.000,-  Sorteo # 																																						

Clasificado

ECONOMICO aviso@bondia.com

Personal GRATIS max. 20 palabra
 PASA LAGA BO AVISO NA OFICINA DI BON DIA
 ARUBA WESTSTRAAT#22 FOR DI 9:00AM-4:00PM
 Email nos na
 classified@cspnv.com

SERVICIO PUBLICO

Construction
 remodelacion di cas, traha cas,
 apartment, traha y drecha dak,
 electricidad, verf pega mosaico,
 traha cura, plomeria. Bon prijs
 Tel. 593 3141

SERVICIO PUBLICO

Buscando auto pa huur y na bon
 prijs? yama nos
 Tel. 593 9953/ 593 8453

TA BENDE

BBQ Grill tipo cilinder
 "criyoyo" duradero
 Prijs Afl.250
 Tel. 569 7787

SERVICIO PUBLICO

Sushi den cura pa solamente
 50,- pa buelta, nos ta lante lague
 limpi mane un soño.
 Arubiano trahado
 Call 592 5766

SERVICIO PUBLICO

Ta haci tur trabou di
 construccion y carpinteria y tur
 cos cu ta furamento di stul di
 bambu, cabana y toldos
 Tel : 746 0518 / 569 7539

Sushi den cura?

Ta piki sushi cu pick-up
 grandi pa Afl 75,= pa buelta.
 Yama nos na
 561 4297 of 561 5179
 Hasi Aruba Limpi.

TA BENDE

Caha di Orgel.
 Tin 3 cylinder NOBO.
 Pa mas informacion yama
 Tel. 593 0203

SERVICIO PUBLICO

Mi ta cuida mucha " baby sister".
 Mi tin bon experiencia
 y bon cuida
 Te. 562 5941

SERVICIO PUBLICO

Pa tur trabou di Plumbing
 (binnenleiding) pega w.c
 wasbak, tubo di gas, etc
 Yama Mario Franken
 Tel. 740 6591

SERVICIO PUBLICO

Pa tur trabou di tapiceria di
 mueble, auto, yate y barco.
 Nos ta haci trabou di cabana y
 bambu y nos ta verf
 Tel : 569 7539 /737 3993

AUTO Y HERO BIEU

Nos ta piki auto, aircro y bateria
 bieu pornada. Frigidaire, stoof,
 wasmachin, tv ta 10,=.
 Yama 561 4597 / 561 5179
 Arubiano Balente

TA BENDE

Combo di regalo pa tur
 ocasion: Mugs, kerki di biña,
 tablashi cu leyenda
 Pa mas informacion
 Cell whatsapp 567 2907

TA HUUR

Apartment 1 camber, baño, sala
 y cushina na Caya Mangasina
 26 (Mabon) Incl. Cable y Inter-
 net Prijs / borg. Afl.800
 Tel.741 1314

SERVICIO PUBLICO

Sra. ta haci cas y negoshi limpi
 tambe por cuida baby y hende
 grandi part time y full time
 Tel. 740 7573

SERVICIO PUBLICO

Hacemos todo tipo de construc-
 cion, reparacion de casas, pin-
 tura, acabados finos, jardines,
 patios, techos a buenos precios
 Tel. 569 7539 / 746 0518

SERVICIO

Unified One Events
 Photos , films, wedding
 Tel. 749 2533

SERVICIO PUBLICO

Ta traha y renoba Cas
 ta traha y drecha dak, ta basha
 vloer, pleister, verf cas, traha
 cura, pega mosaico y azulejo-
 Tel.563 4168

SERVICIO PUBLICO

Nos ta haci trabou di
 plomeria, electricidad,
 hardineria incluye hiba sushi
 Handy man.
 Tel.742 6250

SERVICIO PUBLICO

Mi ta chapi, lanta sushi, corta
 mata, transporta frigidaire, was-
 machine biew, drecha cas, etc.
 Tel. 564 1979

SERVICIO PUBLICO

Pa haci trabow di verf y chapi,
 tur mantencion di pafor di cas
 Yama y puntra pa Benito na
 Tel.630 5185

TA BUSCA

trabou pa haci cas limpi,
 negoshi of oficina
 Tel.561 3910

SERVICIO PUBLICO

Handyman
 Pa trabouw di verfmento
 plumbing tuberia, chapi,
 limpieza di cura, drecha mata
 Tel : 567 1108

SERVICIO PUBLICO

Mi ta ofrece servicio pa pa hasi
 trabou di limpieza parte mainta
 Mi tin transporte
 Tel : 565 5807

SERVICIO PUBLICO

Limpieza pa cas y auto
 Presure wash cura di cas
 Laba muebles
 Laba tapijt
 Laba sienta di auto
 Laba vloer
 Tel. 593 9464

SERVICIO PUBLICO

Pa trabou di data-entry of
 update di bo administracion pls
 contact:
 Tel.5682339

SERVICIO PUBLICO

Mi ta ofrece servicio di
 electricista en general corto
 circuito y mantencion
 Tel.566 5026

TA HUUR

Un camber cu tur cos inclui na
 Brikstraat 1
 Tel.564 1979

SERVICIO PUBLICO

Masaje relajante, sports ma-
 sages, aroma terapia, piedras
 calientes, reflexologia, faciales
 Sabana Basora # 157 P.Ch.
 Tel. 561 8520

SERVICIO PUBLICO

Mi ta ofrece pa cuida di mucha
 di dialuna pa diabierna y
 weekend. Pa informacion
 Tel. 558 7310

SERVICIO PUBLICO

Nos ta chapi, corta y planta
 mata, brinda tur servicio cu bo
 cura mester. Tira sushi afo, tur
 esaki na un super bon prijs
 Tel. 738 1908

SERVIO PUBLICO

Ta ofrece pa verf y chapi cura
 bon prijs. Nos ta hiba e sushi.
 Yama pa mas informacion na
 563 4828 / 5679610

TA BUSCA

trabow pa wak pa mucha y
 hasi cas limpi
 Tel. 569 3253



Cas Di Cultura

Vondellaan 2 Aruba
 297-582-1010

F A D A

Campanastraat 5 Aruba

297-583-2999

297-583-9610

F A V I

Primavera 233 Aruba

297-582-5051

297-582-5222

F E P O

Engelandstraat 15 Aruba

297-583-1016

297-583-6607

Fundacion Contra Violencia Relacional

Tel: 583-5400

Fundacion Autismo Aruba

Irenestraat 21 Aruba

297-588-1179

Fundacion Pa Nos Muchanan

Cumana 2 Aruba

297-583-4247

Fundacion Tel Pa Hubentud

Wilhelminastraat 19

Aruba

297-588-6138

Koningin Wilhelmina Fonds

Spinozastraat 9 Aruba

297-582-0412

Mary Joan Foundation

Sabana Blanco 8 Aruba

297-588-9999

Rode Kruis Aruba

Pedro Gallegostraat 14

Tel.297-582-2219

Fax 588-3376

Famia Planea (SBVO)

Avenida Milio J Croes 17

B Aruba

297-588-9591

www.famiaplanea.org

famiaplanea@hotmail.

com

Stichting Fundacion Guia Mi

George Madurostraat 34

297-582-0088

Y M C A

Calbasstraat 1 Aruba

297-582-3072

AL-ANON group

Sabana Liber #8, Noord

(close to the hotels)

Tel: 736-2952 or

593-7081



Dokter na warda

Oranjestad San Nicolas
 Hospital Imsan
 7:00 pm / 10:00 pm 24 ora

Botica na warda

Oranjestad: San Nicolas:
 Eagle San Nicolas
 Tel. 587 9011 Tel. 584 5712

EMERGENCIA

911

POLIS

Oranjestad 100

San Nicolas 104

Santa Cruz 105

Noord 107

Tip Line

11141

Brandweer 115

Ambulance 911

Hospital 527-

4000

Imsan 524-8833

Warda Costa 913

Seguridad Nacional 11911

Cruz Cora 582-2219

BOTICA

Aloe 584-4606

4 Centro Medico 584-5794

Central 585-1965

Dakota 588-7364

Del Pueblo 582-1253

Eagle 587-9011

Kibrahacha 583-4908

Maria 585-8145

Di Servicio Noord 586-4606

Oduber 582-1780

Paradera 588-6638

San Lucas 584-5119

San Nicolas 584-5712

Santa Anna 586-8181

Santa Cruz 585-8028

Sero Preto 584-4833

Trupial 583-8560

UTILIDAD

Setar 117

Web 525-4600

Elmar 523-7147

FUNERARIA

Aurora 588-6699

Royal Funeral H. 586-4444

Servicio di Taxi

Aruba Transfer Tour & Taxi C.A.

Tel: 582 2116 /582 2010

Taxi Adres Services (24h)

Tel. 587 5900

A1 Taxi Services Aruba

Tel: 587-8850

Tel: 280-2828

Whatsapp: 592-7024

Aurora
Royal Pray
Funeral Home & Crematory

Cumana # 76 & # 44/ van Speyckstraat # 1
Oranjestad, Aruba
Telephone: (297) 588-6699
E-mail: info@aurorafuneralaruba.com

I have fought the good fight, I have finished the my course, I have kept the faith. (2 Timothy 4: 7-8)

Cu dolor na nos curason, nos ta participa fayecimento di:



José Stanley La Cruz
Mihor conoci como: "Stanley of Jo"
*24-11-1943 - †01-11-2022
Ex empleado di Postkantoor

Na number di:

Esposa: † Wilma La Cruz-Vilt

Yiunan: Paul La Cruz y Miriam Hartmann y yiunan

Suzette La Cruz y yiu na Hulanda

Ivy Stewart y yiu

Ian Mc. Dougal y yiu

Gerald Mc. Dougal y yiunan

†Sherman Webb

Joven Webb y yiu

Nieto(a)nan: Jade Stroop, Jeremia La Cruz, Hamed La Cruz, Juendrick Margaretha, Ilaisha Mc. Dougal, Xciengeley Mc. Dougal, Jada Mc. Dougal, Jaydien Webb

Rumannan: Sra. Vda. Ingrid Beeldsnijder-Maria y famia

Sra. Marjory Vrutaal-Doran y famia na Curaçao

Sra. Jeannette Vidal-Doran y famia na Curaçao

Sra. Meredith Curiel-Doran y famia na Curaçao

Sra. Vda. Marjorie Maduro-Lodowica y famia na Curaçao

Subrino(a)nan: † Siegfried Maria, Edwin Maria, Sherida Maria, Sandra Maria,

†Meredith Maria, Eugenie Maria, Anthony

Maria, Sharlon Maria, †Maruska Maria,

Senamijn Maria, Dwayne Maria, Igmarr

Lodowica, Sherine Lodowica, †Lionel Lodowica,

Esmeralda Beeldsnijder, Jessica Beeldsnijder,

Omira Beeldsnijder, Lloyd Beeldsnijder, Swesdy

Beeldsnijder, Gabriela Beeldsnijder, Adrie Viotty.

Ex coleganan di Poskantoor Aruba, ex integrante nan di Papito y su Doble Sabor, tur musicante y cabajista.

Amigonan di cas y casino

Demas famianan, primo y primanan na Aruba,

Curaçao, Hulanda y Suriname:

La Cruz, Vilt, Maria, Doran, Stewart, Mc.

Dougal, Webb, Lodowica, Diels, Beeldsnijder,

Toppenberg, Rodriguez, Manuela, Vrutaal,

Vidal, Curiel, Ramono, Stroop

Adres pa condolencia: Royal Funeral Home dialuna 07 di November 2022 di 7 or pa 9 or di anochi.

Ta invita pa acto di entierro cual lo tuma lugar diamars 08 di November 2022 na Royal Funeral Home di 2or pa 4or di atardi, despues saliendo pa Santana Catolico na Noord.

Aurora
Royal Pray
Funeral Home & Crematory

Cumana # 76 & # 44/ van Speyckstraat # 1
Oranjestad, Aruba
Telephone: (297) 588-6699
E-mail: info@aurorafuneralaruba.com

Laga tur loke ta spera mi ta bunita
Laga tur locual cu mi encontra na caminda ta bunita
Laga tur locual cu mi laga atras keda bunita y
Laga esakinan termina den tur buniteza.
Cado Wever.

Nos ta anuncia fayecimento di

Josepha F. Dijkhoff
*10-05-1941 - †02-11-2022

Acto di despedida lo wordo anuncia despues.

Aurora
Royal Pray
Funeral Home & Crematory

Cumana # 76 & # 44/ van Speyckstraat # 1
Oranjestad, Aruba
Telephone: (297) 588-6699
E-mail: info@aurorafuneralaruba.com

"Señor ta mi wardador, mi'n tin falta di nada
Den cunucu di yerba berde e ta ponemi sosega.
E ta hibami na awa trankil,
Pa mi bolbe haña forsa".
Salmo: 23

Nos ta anuncia fayecimento di:



Anna Sofia Lampe-Geerman
*13-11-1934 - †03-11-2022

Acto di entierro lo wordo anuncia despues



Aurora
Royal Pray
Funeral Home & Crematory

Cumana # 76 & # 44/ van Speyckstraat # 1
Oranjestad, Aruba
Telephone: (297) 588-6699
E-mail: info@aurorafuneralaruba.com

Laga tur loke ta spera mi ta bunita
Laga tur locual cu mi encontra na caminda ta bunita
Laga tur locual cu mi laga atras keda bunita y
Laga esakinan termina den tur buniteza.
Cado Wever.

Cu dolor na nos curason, nos ta participa fayecimento di nos ser stima,



Maria M. Erasmus
Cariñosamente yama "Chia of Dudu"
*06-01-1961 - †04-11-2022

Acto di entierro lo wordo anuncia despues

Aurora
Royal Pray
Funeral Home & Crematory

Cumana # 76 & # 44/ van Speyckstraat # 1
Oranjestad, Aruba
Telephone: (297) 588-6699
E-mail: info@aurorafuneralaruba.com

"Dios ta amor... y amor ta Dios,
maske mi no ta na e mundo aki, tur dia lo mi ta banda di boso Curazon, mi por stens di loke Señor ta hasi"
Salmo 33

Cu dolor na nos curason nos ta anuncia fayecimento inesperadamente di nos ser stima:



Jeannette J. T. Tromp
Cariñosamente yama "Dina of Jean"
*09-07-1973 - †02-11-2022

Acto di entierro lo wordo anuncia despues

Rosario Bibo dialuna 7 di november na Alto Vista



Dialuna 7 di november lo tin otro Rosario Bibo na kapel di Alto Vista cuminsando pa 7 or y mey di anochi.

Comision organisado ta invita tur fielnan, specialmente e hobennan cu a confirma y cu ta bay confirma proxima-

mente pa uni den orashon hunto cu nan mayornan, madrina of padrino.

Lo resa pa paz mundial, pa paisnan rico yuda esnan mas pover, pa combati tur enfermedad. Cada persona por presenta su propio intencion manera pa nos casnan di famia, pa tur hende cu ta

traha, pa tur estudiante, pa felicidad spiritual di nos hendenan.

Un invitacion general pa dialuna 7 di november pa 7 or y mey di anochi na kapel di Alto Vista pa pidi Mama Maria sigui proteha nos isla.

Bebe bira bon, buki nobo pa mucha

Riba djaluna mainta, 7 di november na Curason di Sta. Cruz, outor Denise de Jongh-Rekwest ku a bin for di Boneiru ta presentá su buki nobo spesial pa Siman di buki pa mucha 2022. Título di e buki ta 'Bebe Bira Bon'.

E ta un buki pa lesa, komo un buki pa siña. Den e buki akí nos muchanan ta siña tokante algun yerba ku nos ta usa den bida diario. E título mes ta bisa kaba. Bebe te di yerba pa bira bon i keda salú.

Meta di e buki akí ta pa siña konosé ún kustumber di nos wela-, bisawela- i antepasadonan i manten'é na bida. Tabata i ainda ta e kustumber di algun hende pa bebe te di yerba mainta. Kustumber tin keber ku nos kultura.

E yerbanan tin karakteristiká partikular. Nan tin un efekto kurativo. Por planta i kuida nan pa propio uso tambe. E muchanan mes por krea nan hardin di yerba. Ademas di e aspekto kultural i di salú, e aspekto sosial tambe ta hunga un ròl. Djaluna mainta e muchanan di Skol SPO ta bai disfrutá di un bunita presentashon di yerba huntu ku outor Denise i sra. Olinda Rasmijn.

Pastor J. Maduro ta bendishoná e buki i duna algún bunita palabra. Madrina ta sra. Olinda Rasmijn i padrino sr. Randolph Fingal. Denise i sra. Olinda ta laga e muchanan sera konosí ku e diferente yerbanan i splika e benefisio di kada yerba. Despues tur invitado lo disfrutá di te di yerba i un warapa di yerba natural.

Un danki ta bai na patrosinadó Divi Impact Foundation ku a hasi posibel pa tur skol basiko di Aruba, Biblioteca Nashonal di Aruba, Imelda Hof, Trai Merdia i muchanan di Skol SPO por risibí e buki akí na Papiamento regalo. Denise ta spera ku e buki akí ta kondusí na mas aktividat òf proyekto agradabel i ta deseá tur mucha, mayor i dosente mashá plaser kuné. E buki ta obtenibel na Plaza Bookshop i De Wit & Vandorp Bookstore.

Pronostico di tempo

Tempo:

Parcialmente nubia cu un awasero breve

Temperatura maximo 31 grado Celsius
Temperatura minimo 25 grado Celsius
Indice di calor (heat index) den y rond di oranan di merdia: 32 pa 37 grado Celsius
Uv index: 10

Bahada di solo : 6:12 pm
Subida di solo : 6:35 am.

Biento:

Zwak te modera for di direccinanan Entre zuid y zuidoost; Forsa 2 te 4 (7 te 30 km/

ora, 4 te 16 nudo)

Situacion general di tempo:

Aire humedo y instabil ta persisti den region local cual por causa principalmente den oranan di marduga y mainta trepan un awacero breve.

Condicionnan maritimo/ estado di lama:

Na partinan protege di costa: leve
Na partinan zuid: modera te poco bruto
Na partinan oost te noordwest di costa: generalmente modera

Gobierno di Aruba:

Papel di 5 florin ta keda

papel di 5 florin

No a aumenta e tarifa

Contrario na e informacion cu a sali diahuebs ultimo, Gobierno di Aruba ta informa cu e Papel di 5 Florin di Censo NO a aumenta. E Papel di 5 Florin, ta e documento di registro civil cu ciudadanonan di

Aruba ta busca mas na Censo y na e MFA'nan.

E extracto aki, popularmente a haya e nomber di 'Papel di 5 Florin' pasobra ta paga solamente 5 florin pe y esaki pa hopi aña ta asina y ta ancla den ley. Pa aumenta esaki y aumenta e suma pa 10 florin of cualkier otro suma, mester cambia ley. Y e cambio den ley aki lo NO pasa.

Gobierno di Aruba ta lamenta e bruhamiento cu por a wordo causa y e intrankilidad cu esaki a trece cu ne. Gobierno ta sigura nos pueblo cu e tarifa di papel di 5 florin NO a aumenta. E Papel di 5 florin ta keda Papel di 5 florin.



WWW.BONDIA.COM



ARUBA

DIENT BURGERLIJKE STAND EN BEVOLKINGSREGISTER

Uit het Bevolkingsregister van Aruba blijkt, dat daarin is opgenomen:

Naam:
Voornamen:
Geboren:
Adres:
IDENTITEITSNUMMER:

AWG. 5,-

Dagtekening
Voor eensluidend uittreksel,
Namens het Hoofd Bureau Burgerlijke
Stand en Bevolkingsregister,
De ambtenaar van het hulpbestuurskantoor



Premier Israeli cu yamado pa union despues di victoria di Netanyahu

(AP) — Prome minister di Israel ayera a haci un suplica pa union nacional, algun dia despues cu el a keda derota den eleccionnan nacional pa e ex-premier, Benjamin Netanyahu, cu sosten di e partido ultranacionalista di ultra-derecha.

Den un ceremonia conmemorando prome minister Yitzhak Rabin, kende a wordo asesina, prome minister saliente, Yair Lapid a adverti di

e division profundo plagando e pais despues di e campaña electoral dificil, e di cinco eleccion na Israel desde 2019.

E tabata parce di ta criticando Zionismo Religioso, un partido extremista cual su lidernan ripitidamente a haci comentarionan anti-Arabe, anti-LGBTQ. Zionismo Religioso a sali como e di tres partido di mas grandi den Parlamento, y ta spera cu ta bay desempeña un rol clave den gobierno di Netanyahu.

“No tin ‘nos y nan’, solamente nos”, Lapid a bisa den su prome comentarionan desde eleccion siman pasa. “Un mayoria absoluto di e ciudadanonan di e pais aki ta kere den estado di derecho, balornan democratico y respet mutuo. Mayoria absoluto di Israelinan kier un Hudaismo cu ta uni nos, no un Hudaismo cu ta un herment politico y sigur no un Hudaismo cu ta un ratificacion di violencia”, el a agrega.



Partido Likud di Netanyahu, hunto cu Zionismo Religioso y un par di partidonan religioso ultra-Ortodox a captura un mayoria di 64 asiento den e Parlamento di 120 asiento den eleccion diamars ultimo. Ta spera cu nan ta bay hinca den otro un mayoria gobernante den proximo simannan.

E coalicion saliente di Lapid, un coleccion diverso di partidonan cu a inclui e prome partido Arabe den historia cu a forma parti un gobierno Israeli, a gana apenas 51 asiento.

E eleccion aki, igual cu e cuatro anterior, a enfoca riba e aptitud di Netanyahu pa goberna mientras e ta enfrentando cargonan pa corrupcion.

Zionismo Religioso a priminti di pusha pa pasa reformanan nobo cu por debilita e brasa hudicial di Israel, duna inmunidad na Netanyahu, y posiblemente laga e cargonan criminal den su contra desaparece. Criticonan ta bisa cu e agenda aki lo representa un golpi fuerte contra institucionnan democratico na Israel.

Zionismo Religioso tambe ta promove un linea fuerte contra e Palestinonan y e minoria Palestino di Israel mes.

“E mayoria absoluto di ciudadanonan di Israel no ta dispuesto pa laga odio dicta nan bida”, Lapid a bisa durante e ceremonia na santana nacional di Israel. “Nos mester dicidi awo, na e momento aki, unda e pais aki ta bayendo.”

Netanyahu no tabata presente pa e ceremonia. Pero papiando despues den Parlamento, Netanyahu a bisa cu despues di eleccion, “ta ora pa nos sali for di guerra y sa con pa traha hunto.”

Lider di Zionismo Religioso, Bezalel Smotrich a keha cu a “demonisa” su votadornan inhumamente como sostenedornan di asesinato di Rabin, un acto cu el a yama “horrible”.

Partner di Smotrich den eleccion, Itamar Ben-Gvir famosamente a hisa un decoracion saca for di auto di Rabin algun siman prome cu e asesinato. “Igual cu nos a logra gara e emblema aki, nos por gara Rabin”, Ben-Gvir, kende awo ta posiciona pa un puesto senior den Gabinete, a bisa e tempo aya.

Un extremista Hudiu a asesina Rabin dia 4 di november 1995, pasobra e tabata opone su esfuersonan di paz cu e Palestinonan.



Make local online payments easy, in more ways than one!

Sentoo is a local online payment method that offers different online payment options such as a check-out button, QR code, or a payment link.

Save time with Sentoo and benefit from pre-filled payment information and instant payment confirmation. Sentoo payments are processed through the trusted Banco di Caribe online banking environment. Secure, fast, and easy. Sign up and start using Sentoo today!



For more information, please visit our website.

sentoo



BANCO DI CARIBE